



SLUŽBENE NOVINE OPĆINE KAKANJ

IZDAVAČ:
Općina Kakanj
GODINA XXV

Broj 5/21
Datum: 12.04.2021.
Akti: 61-71.

GRAFIČKA PRIPREMA I ŠTAMPA:
STRUČNA SLUŽBA ZA POSLOVE
OPĆINSKOG VIJEĆA

61.
BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ

Broj: 01/1-5-97/21

Kakanj, 31.03.2021. godine

Na osnovu člana 59. Zakona o zaštiti okoline („Službene novine Ze-Do Kantona“, broj: 1/00), tačke I Odluke o načinu raspodjele sredstava Fonda za zaštitu okoline Zeničko – dobojskog kantona („Službene novine Ze-Do Kantona“, broj: 18/12 i 1/15), člana 24. Statuta Općine Kakanj („Službene novine Općine Kakanj“, broj: 4/08), člana 70. Odluke o izvršenju Budžeta Općine Kakanj za 2021. godinu („Službene novine Općine Kakanj“, broj: 3/21), te člana 92. i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

PROGRAM

utroška namjenskih sredstava za zaštitu okoline Općine Kakanj za 2021. godinu

I

Planirani prihodi sredstava u Budžetu Općine Kakanj za 2021. godinu na ekonomskim kodovima: 732114 (u iznosu od 2.376.000,00 KM – Grantovi ZDK-a, Fond za zaštitu okoliša) i 732114 (u iznosu od 2.136.000,00 KM – Grantovi ZDK-a, Sredstva fonda za zaštitu okoliša po sudskoj presudi – novi projekti), raspoređuju se za slijedeće namjene:

Tabela broj 1. Prihodi

Red. broj	Naziv pozicije	Obrazloženje	Iznos sredstava u KM
1.	Preneseni prihodi iz 2020. godine.	Sredstva osigurana za finansiranje prenesenih obaveza iz 2020. godine.	898.648,93
2.	Planirani prihodi u 2021. godini.	Planirani prihodi od sredstava prikupljenih primjenom Uredbe o vrstama naknada i kriterijumima za obračun naknada za zagađivače zraka i Uredbe o posebnim naknadama za okoliš koje se plaćaju pri registraciji motornih vozila.	1.425.387,50
UKUPNI PRIHODI			2.324.036,43

Tabela broj 2. Započeti i preneseni projekti iz 2020. godine za realizaciju u 2021. godini.

Red. broj	Naziv projekta	Svrha i cilj projekta	Iznos sredstava u KM
1.	Uklanjanje ostataka građevine, saniranje lokacije, uređenje zelene površine i ozeljenjavanje trga u Kraljevoj Sutjesci.	Na trgu u Kraljevoj Sutjesci postoji uništen građevinski objekat koji svojim ostacima narušava i zagađuje okoliš jer se u količinama otpada nalazi značajan dio materijala radioaktivnog porijekla koji je na samoj obali rijeke Trstionice i kao takav je potencijalna opasnost za okoliš i vodotok rijeke, a ujedno i potencijalna opasnost za pješake. Na samom trgu u vrijeme vjerskih blagdana i drugih manifestacija okuplja se veliki broj lokalnog stanovništva, kao i turista koji obilaze Kraljevu Sutjesku. Izrađen projekat, pokrenuta procedura.(27.930 +7561,18 - razlika između planiranih sredstava i prihvaćenog ugovora u JN)	35.481,18
2.	Sufinansiranje projekata za zaštitu okoline NVO	Prikupljene aplikacije prema Javnom pozivu za sufinansiranje projekata nevladinih organizacija / organizacija civilnog društva iz Programa utroška namjenskih sredstava za zaštitu okoline Općine Kakanj za 2020. godinu	20.000,00
3.	Uređenje izletišta Bukovica	Uređenje lokacija namjenjenih za odmor i izlete (šadrvani, klupe, mobilijar, zelene površine), nastavak radova prema Ugovoru	2.269,80
4.	Povećanje energetske efikasnosti Ambulante Krševac - nastavak projekta do utroška sredstava	Nastavak aktivnosti na realizaciji projekta. Realizacijom projekta u 2018. godini ostalo neutrošeno 14.057,16 KM te se iste prenose u 2020. godinu namjenjena za realizaciju povećanja energetske efikasnosti i izgradnju ambulante Krševac.	14.057,16
5.	Povećanje energijske efikasnosti kroz rekonstrukciju krova na staroj zgradi JU za predškolski odgoj i obrazovanje "MLADOST" Kakanj.	Cilj projekta je rekonstrukcija krova koji je dotrajao i djelimično prokišnjava, kao i sprečavanje daljeg oštećenja i propadanja krova kompletne zgrade, te nastanka raznih oboljenja kod djece i uposlenika radi stalnog prisustva vlage.	62.446,57
6.	Povećanje energetske efikasnosti javnog objekta Dom Vukanovići	Povećanje energetske efikasnosti kroz utopljanje, ugradnju izolacije i druge energetske aktivnosti na javnim objektima koje direktno utiču na smanjenje troškova toplotne i električne energije (Projekat iz strateškog dokumenta SEAP).	34.358,51
7.	Održavanje i uređenje izletišta, igrališta i zelenih površina u ruralnim dijelovima općine	Realizovan dio Ugovorenih poslova na održavanju javnih izletišta i igrališta u ruralnim dijelovima općine	12.285,00
8.	Izrada idejnog rješenja proširenja daljinskog grijanja za naselja Povezice, Varda, Plandište.	Izrada idejnog rješenja proširenja daljinskog grijanja za naselja Povezice, Varda, Plandište .Izrada ovog dokumenta daje smjernice o tehničkim mogućnostima širenja mreže daljinskog grijanja i potrebnim finansiskim sredstvima	30.000,00

9.	Učešće Općine Kakanj u sufinansiranju nabavke uređaja po javnom pozivu Fonda za zaštitu okoliša FBiH	Učešće Općine Kakanj u sufinansiranju nabavke uređaja za monitoring prašine PM2,5 i 10 i So2 u iznosu od 28.386,72 KM , uz odobrena sredstva Fonda od 50.000,00. Takođe učešće Općine u sufinansiranju nabavke opreme za monitoring ozona, NOx i CO u iznosu od 7227,48 KM uz iznos opdobren od Fonda 65.047,00 KM	35.614,20
10.	Prijevoz stanovnika općine Kakanj na Ponijere u periodima povećanih vrijednosti koncentracija zagađujućih materija	Potpisan ugovor sa prijevozničkom firmom, u toku realizacija, broj 02/1-8533/20 od 12.11.2020. godine	1.516,10
11.	Uređenje i rekonstrukcija korita i obala rijeka i potoka na području općine Kakanj.	Potpisan okvirni sporazum, u toku je realizacija radova na uređenju i rekonstrukciji korita i obala rijeka i potoka	36.607,02
12.	Izgradnja LED rasvjete u naseljenim mjestima.	Potpisani ugovori , u toku je realizacija istih	165.000,00
13.	Nadogradnja autosmečara sa istresaćem sa kontejnera sa montiranim kranom za podzemne kontejnere.	Vozila kojima trenutno raspolaže JP Vodokom ne mogu zadovoljiti trenutne potrebe zbog dotrajalosti istih te je potrebno izvršiti nadogradnju i revitalizaciju vozila	200.000,00
14.	Sufinansiranje utopljanja javnih objekata i zamjene azbestnih krovova zdravstveno ispravnom vrstom pokrova.	U toku je ocjena prikupljenih aplikacija na javni poziv	40.000,00
15.	Utopljanje prostorija hitne pomoći.	Povećanje energetske efikasnosti kroz utopljanjeobjekta hitne pomoći	35.000,00
16.	Opremanje ambulante u Krševcu	Završna faza za otvaranje Ambulante u Krševcu, opremanje medicinskom opremom	30.000,00
17.	Ugradnja podzemnih kontejnera Kraljeva Sutjeska.	radi poboljšanja ambijentalnih i higijenskih uvjeta u Kraljevo sutjeski kao turistički, kulturološki i historijski značajnom mjestu	25.000,00
18.	FK Mladost	Postavljanje reflektora na FK Mladost Kakanj	100.000,00
19.	Održavanje mobilne monitoring stanice	Preostale obaveze shodno ugovoru o servisiranju i isporuci rezervnog i potrošnog materijala	1.380,02

20.	Nastavak rekonstrukcije vrelovoda mreže daljinskog grijanja.	Nastavak rekonstrukcije vrelovoda mreže daljinskog grijanja (prenesena sredstva)	83.000,00
UKUPNO			964.015,56

Tabela broj 3. Projekti redovnog održavanja i projekti za 2021. godinu

Red. broj	Naziv projekta	Svrha i cilj projekta	Iznos sredstava u KM
1.	Uspostava procesa integralnog upravljanja otpadom na području općine Kakanj kroz subvencioniranje troškova sakupljanja, transporta i odlaganja kućnog otpada iz udaljenih područja.	Sufinansiranje odvoza otpada iz udaljenih područja koje za rezultat ima istu cijenu za krajnje korisnike komunalne usluge na cijeloj teritoriji općine Kakanj bez obzira na udaljenost a u cilju pokrivanja cijele teritorije općine, odnosno njenih naseljenih mjesta organizovanim odvozom otpada, kao i sufinansiranje odvoza otpada sa izletišta Ponijeri i Bočica.	63.737,50
2.	Ručno i mehaničko čišćenje, pranje, uklanjanje nečistoća sa gradskih i prigradskih javnih površina i saobraćajnica, održavanje mreže odvodnje atmosferskih voda.	Čišćenje gradskih i prigradskih javnih površina i saobraćajnica od nečistoća, šljake, prašine, blata, papira, taloga, održavanje mreže odvodnje atmosferskih voda,	360.000,00
3.	Unapređenje i održavanje javnih zelenih površina (gradskih i prigradskih).	Održavanje postojećih javnih zelenih površina, novoizgrađenih parkovskih površina u gradu, priprema zamljišta na postojećim i novim površinama za sadnju i sadnja sezonskog cvijeća, ruža, ukrasnog žbunja i sadnica ukrasnog drveća u gradu.	110.000,00
4.	Projekti održavanja i poboljšanja higijene kroz popravak i uređenje kontejnera i kontejnerskih mjesta, čišćenje vodnih objekata, deratizacija, kafilerijske usluge te čišćenje vodnih objekata.	Popravak i uređenje kontejnera i kontejnerskih mjesta. Deratizacija, kafilerijske usluge, održavanje vodotoka rijeke Zgošće kroz gradsku jezgru (čišćenje korita od otpada, mulja....), tekuće održavanje fontana.	80.000,00

5.	Održavanje mobilne stanice.	Sredstva za održavanje mobilne stanice za kontinuirano praćenje kvaliteta zraka na području općine Kakanj: - Troškovi za osnovno i kasko osiguranje, - Troškovi za redovni godišnji servis kombi vozila; - Troškovi za redovni servis i kalibriranje stanice - Troškovi za nabavku rezervnih dijelova i potrošnog materijala za rad stanice u 2021. godini; - Zaostala plaćanja /potraživanja/ za potrebe rada mobilne stanice iz 2020. godine	40.000,00
6.	Promocija i edukacija stanovnika općine u oblasti zaštite okoline putem medija u općini i šire.	Podizanje ekološke svijesti građana kroz medijsku kampanju kod najmlađih uzrasta, radionice, edukacije, bibordi, promocija.....	25.000,00
		Ekološke emisije i eko spotovi.	10.000,00
7.	Sufinansiranje projekata za zaštitu okoline NVO 2021. godine	Uticati na svijest, educirati i potaknuti lokalno stanovništvo na zaštitu voda, zraka, tla i zdravlja lokalnog stanovništva; (LEAP).	20.000,00
8.	Sufinansiranje projekata sa viših nivoa vlasti i međunarodnih fondova	Prijavljivanje na pozive viših nivoa vlasti i na međunarodne fondove, kao vlastito učešće Općine Kakanj	20.000,00
9.	Sufinansiranje odvoza kućnog otpada iz romskog naselja Varda za 2021. godinu.	Odvoz otpada na deponiju i čišćenje kontejnerskih mjesta, sa dva kontejnerska mjesta Romskog naselja Varda (LEAP).	10.000,00
10.	Prijevoz stanovnika općine Kakanj na Ponijere u periodima povećanih vrijednosti zagađujućih materija u zraku.	Uvažavajući potrebu da se građanima općine Kakanj omogući boravak na Ponijerima poznatoj vazdušnoj banji za period povećanih koncentracija zagađujućih materija u zraku. Putem ovog projekta će se obezbijediti besplatan prijevoz na pomenutoj relaciji za 2021. godinu	8.000,00
11.	Podržavanje jednodnevnih volonterskih akcija	Učešće volontera u očuvanju okoliša i davanje pozitivnog primjera u cilju povećanja broja sati društveno korisnog volonterskog rada; (LEAP).	5.000,00
12.	Uređenje i rekonstrukcija korita i obala rijeka i potoka na području općine Kakanj.	Spriječiti uništavanje vodnih resursa putem aktivnosti na izgradnji barijera na rijekama i uređenju korita, radi smanjenja pristizanja većih količina otpada, posebno u periodu bujica, kada planinske rijeke pokupe svu otpad koja se nalazi na njihovim obalama(LEAP).	50.000,00
13.	Sufinansiranje zamjene azbestnih krovova na objektima	Povećanje energetske efikasnosti kroz zamjenu azbestnih krovova koje su dokazano opasne po zdravlje, nastavak projekta iz predhodne godine u kojem Općina Kakanj sufinansira 30% sredstava za zamjenu azbestnih krovova.	70.000,00

14.	Stručno-tehnički nadzor realizacijom projekata	Nadzor nad realizacijom potpisanih ugovora o izvođenju radova i usluga. (Ugovor broj: 02/1-8691/20 od 18.11.2020. godine; Ugovor broj: 02/1-9823/20 od 29.12.2020. godine; Ugovor broj: 02/1-8996/20 od 03.12.2020. godine.) i novi Ugovor za 2021 za nadzor nad izvođenjem projekata.	14.000,00
15.	Sufinansiranje proširenja mreže daljinskog grijanja	Sufinansiranje proširenja mreže daljinskog grijanja na području Općine Kakanj na dionici od Rudničke Direkcije do tačke spajanja sa nadzemnim dijelom vrelovoda.	117.000,00
16.	Vodokom - nabavka mehanizacije nadogradnja autosmečara	JP Vodokom - nastavak aktivnosti na nadogradnji na preostala dva autosmečara (SCANIA i VOLVO)	100.000,00
17.	Izgradnja LED rasvjete u naseljenim mjestima	Proširenje mreže javne rasvjete energijski i ekološki efikasnijom rasvjetom u sljedećim naseljenim mestima: Desetnik u iznosu od 25.000,00 KM; Krševac u iznosu od 29.000,00 KM; Varda u iznosu od 25.000,00 KM; Sopotnica-Gora u iznosu od 15.000,00 KM; Bijeje Vode - Banjevac u iznosu od 25.000,00 KM; Koprivnica u iznosu od 25.000,00 KM; Mramor u iznosu od 11.000,00; Donji Kakanj - Tičići u iznosu od 10.000,00; Hausovići u iznosu od 6.000,00; MZ Plandište novo naselje Bare u iznosu 5.000,00KM; Brnj u iznosu od 8.000,00; Nepredviđeni radovi 5% u iznosu 9.200,00KM.	193.200,00
18.	Izgradnja dječijih igrališta u naseljenim mjestima	Izgradnja dječijih igrališta i uređenje zelenih površina u naseljenim mjestima izvan gradske jezgre (postavljanje sprava i mobilijara za dječje igralište). Na osnovu javnog poziva i kriterija koje će donijeti komisija koju imenuje Općinski Načelnik, izgraditi dječija igrališta u mjesnim zajednicama vrijednosti do 8.000,00KM po jednom igralištu. Pravo prijave imaju Mjesne zajednice izvan gradske jezgre u kojima ne postoje ovakvi tipovi igrališta. Svrha i cilj projekta je obogatiti sadržaje za boravak djece na otvorenom u ruralnim područjima i lokalnim izletištim.	40.000,00
19.	Rezervna sredstva	Sredstva za nepredviđene i hitne aktivnosti u oblasti zaštite okoline (zaštita zraka, vode, zemljišta), koja se odnose na pojave u toku budžetske godine a nisu predviđene u planiranim projekima	24.083,37
UKUPNO			1.360.020,87
UKUPNO RASHODI			2.324.036,43

II

Za realizaciju i utrošak sredstava prema ovom Programu, zadužena je Služba za privredu, urbanizam i zaštitu okoline Općine Kakanj.

III

Nadzor nad realizacijom ovih projekata vrši Ministarstvo za prostorno uređenje, promet i komunikacije i zaštitu okoline Zeničko – dobojskog kantona u skladu sa Odlukom o načinu raspodjele sredstava fonda za zaštitu okoline Zeničko – dobojskog kantona („Službene novine Ze-Do Kantona“, broj: 18/12 i 1/15).

IV

Ovaj Program stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

62.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
Općinsko vijeće**

Broj: 01/1-5-98/21

Kakanj, 31.03.2021. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Općine Kakanj“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08), te člana 61. Odluke o izvršavanju Budžeta Općine Kakanj za 2021. godinu („Službene novine Općine Kakanj“, broj: 3/21) i člana 92 i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

PROGRAM

**utroška sredstava iz Budžeta Općine Kakanj
za podsticaje u poljoprivredi za 2021. godinu**

1. Podaci o Programu

Program utroška sredstava iz Budžeta Općine Kakanj za podsticaje u poljoprivredi za 2021. godinu, sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2021. godinu sa pozicija „Podsticaj poljoprivrednoj proizvodnji“, „Ostale usluge iz Programa podsticaja poljoprivrednoj proizvodnji“, „Ugovori o djelu iz Programa podsticaja poljoprivrednoj proizvodnji“ i „Transfer neprofitnim organizacijama (Program podsticaja poljoprivrednoj proizvodnji)“.

2. Period realizacije Programa

Isplata podsticaja se odnosi na poljoprivrednu proizvodnju koja će se realizirati u periodu od 01.01.- 31.12.2021. godine.

3. Raspoloživi iznos sredstava

423.800,00 KM

4. Namjena programa

- Podsticaji u poljoprivrednoj proizvodnji,
- Ostale vrste podsticaja.
- Ostale usluge iz Programa podsticaja poljoprivrednoj proizvodnji, ugovori o djelu i transferi neprofitnim organizacijama

5. Korisnici programa

Poljoprivredni proizvođači, zadruge, otkupljivači poljoprivrednih proizvoda, Savez udruženja poljoprivrednih proizvođača „KAP“ Kakanj, udruženja poljoprivrednih proizvođača sa područja općine Kakanj i druga fizička i pravna lica.

6. Izvor sredstava

Budžet Općine Kakanj za 2021. godinu, pozicije:

- „Podsticaj poljoprivrednoj proizvodnji“, ekonomski kod: 614500,
- „Ostale usluge iz Programa podsticaja poljoprivrednoj proizvodnji“, ek. kod: 613900,
- „Ugovori o djelu iz Programa podsticaja poljoprivrednoj proizvodnji“, ek. kod: 613900 i 613980,
- „Transfer neprofitnim organizacijama (Program podsticaja poljoprivredne proizvodnje)“, ek. kod: 614300.

UVOD

Programom utroška sredstava iz Budžeta Općine Kakanj namijenjenim za podsticaje u oblasti poljoprivrede za 2021. godinu, Općina Kakanj nastoji stvoriti što povoljnije uslove za intenzivniji razvoj poljoprivredne proizvodnje, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, podsticati organizovanu i kooperativnu proizvodnju i plasman tržišnih viškova poljoprivrednih proizvoda i na taj način omogućiti poljoprivrednim proizvođačima da se isključivo usmjere na proizvodnju, odnosno na kvalitet i kvantitet svojih proizvoda.

Pored ovog cilja postoje i drugi specifični ciljevi Programa, a to su:

- formiranje porodičnih gazdinstava,
- (1) osposobljavanje tržišno orjentisanih

- proizvođača,
- intenziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa,
- mogućnost samozapošljavanja.

Članom 26. Zakona o poljoprivredi („Službene novine Federacije BiH“, broj: 88/07, 04/10 i 07/13) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Općine Kakanj za 2021. godinu odobreno 423.800,00 KM za podsticaje u oblasti poljoprivrede, što predstavlja kontinuirano izdvajanje iz ukupnog Budžeta Općine za poljoprivredu na području općine Kakanj.

Program utroška sredstava iz Budžeta Općine Kakanj za podsticaje u poljoprivredi za 2021. godinu podrazumijeva jednokratne isplate za stimulisanje animalne i biljne proizvodnje, otkup poljoprivrednih proizvoda, podsticaj Savezu poljoprivrednih udruženja i udruženjima poljoprivrednih proizvođača sa područja općine Kakanj, zatim finansiranje ili sufinansiranje projekata iz oblasti poljoprivrede, nabavka mašina i opreme za prerađivačke kapacitete, te ostale vrste podsticaja (izvještajno prognozni poslovi, edukacije poljoprivrednih proizvođača, medijsko predstavljanje poljoprivrede na području općine Kakanj, organizovani odlazak poljoprivrednika na sajmove, studijske posjete, godišnja obuka polj.savjetodavaca i dr.).

Nakon usvajanja Programa podsticaja od strane Općinskog vijeća, Služba za privredu, urbanizam i zaštitu okoline će u saradnji sa nadležnom općinskom Službom, mjesnim zajednicama, zadrugama, Savezom poljoprivrednih udruženja „KAP“ Kakanj i sredstvima javnog informisanja obavijestiti poljoprivredne proizvođače o podsticajnim mjerama, kao i o kriterijima koji moraju biti ispunjeni da bi podsticajna sredstva bila odobrena. Pri izradi Programa za 2021. godinu imali smo u vidu sljedeće:

- resursne mogućnosti općine Kakanj,
- kontinuitet podsticajnih mjera i iskustva u realizaciji novčanih podsticaja prethodnih godina,
- Strategija razvoja poljoprivrede općine Kakanj za period 2016-2020. godina,
- analiza Pravilnika o načinu i uslovima ostvarenja novčane podrške po modelu

podsticaja proizvodnji („Službene novine Federacije BiH“, broj: 32/17, 55/17, 56/18 i 24/20),

- analiza Programa novčanih podsticaja u poljoprivredi Vlade ZE-DO kantona za 2020. godinu,
- sugestije učesnika u sektoru poljoprivrede (Savez poljoprivrednih udruženja, zadruge, otkupljivači poljoprivrednih proizvoda, međunarodne organizacije koje učestvuju u sufinansiranju i dr.),
- iznos odobrenih sredstava u Budžetu Općine Kakanj za tekuću godinu i dr.

Na osnovu gore navedenog sačinjen je Program utroška novčanih sredstava sa pozicija „Podsticaj poljoprivrednoj proizvodnji“, „Ostale usluge iz Programa podsticaja poljoprivrednoj proizvodnji“, „Ugovori o djelu iz Programa podsticaja poljoprivrednoj proizvodnji“ i „Transfer neprofitnim organizacijama (Program podsticaja poljoprivrednoj proizvodnji)“, odobrenih u Budžetu Općine Kakanj za 2021. godinu.

I NAČIN OSTVARIVANJA PODSTICAJA

Novčane podsticaje u primarnoj poljoprivrednoj proizvodnji mogu ostvariti poljoprivredni proizvođači (nosioci poljoprivrednih gazdinstava), pravna lica, zadruge, otkupljivači poljoprivrednih proizvoda, Savez poljoprivrednih udruženja „KAP“ Kakanj, udruženja poljoprivrednih proizvođača sa područja općine Kakanj, koji su upisani u Registar poljoprivrednih gazdinstava i registar klijenata, te Registar pčelara i pčelinjaka F BiH u Općini Kakanj, da su obavili ažuriranje podataka u 2021. godini do predviđenog roka po Pravilniku o upisu u Registar poljoprivrednih gazdinstava i registar klijenata (do 31.03.2021. godine) i Pravilniku o upisu u Registar pčelara i pčelinjaka F BiH (do 15.05.2021. godine) i da obavljaju poljoprivrednu proizvodnju na području općine Kakanj, te da ispunjavaju i ostale neophodne uslove.

Nakon objavljenog javnog poziva, zahtjev sa neophodnom dokumentacijom u predviđenom roku se podnosi na prijemnu kancelariju Općine Kakanj.

Nakon provjere i obrade dostavljene dokumentacije, Komisija za podsticaje na terenu utvrđuje činjenično stanje i sačinjava Zapisnik, te za one kandidate koji ispunjavaju propisane kriterije obračunava visinu novčanih podsticaja i

dostavlja Službi za finansije, koja odobreni iznos podsticajnih sredstava uplaćuje na tekući račun korisnika, otvoren kod poslovnih banaka.

Ukoliko Komisija za podsticaje zapisnikom utvrdi da podnosilac zahtjeva ne ispunjava kriterije za ostvarivanje podsticaja, isti se pismeno obavještava i predmet se arhivira.

II SVRHA PROGRAMA

Svrha Programa je:

1. intenziviranje postojeće poljoprivredne proizvodnje,
2. značajnije korištenje poljoprivrednog zemljišta i drugih raspoloživih resursa,
3. povećanje obradivih površina,
4. nabavka nove poljoprivredne mehanizacije i druge opreme,
5. povećanje obima poljoprivredne proizvodnje,
6. zadovoljavanje potreba domaćeg tržišta vlastitim proizvodima,
7. ruralni razvoj,
8. samozapošljavanje u porodičnom domaćinstvu i sl.

III IZNOS SREDSTAVA I VRSTA PODSTICAJA SA KRITERIJIMA

Novčana sredstva odobrena u Budžetu Općine Kakanj za 2021. godinu iznose **423.800,00 KM**, na pozicijama „Podsticaj poljoprivrednoj proizvodnji“, „Ostale usluge iz Programa podsticaja poljoprivrednoj proizvodnji“, „Ugovori o djeli iz Programa podsticaja poljoprivrednoj proizvodnji“ i Transfer neprofitnim organizacijama (Program podsticaja poljoprivredne proizvodnje).

Sredstva se raspoređuju u više oblasti poljoprivrede i druge namjene, a u skladu sa Programom utroška sredstava i razvrstana su u dva modela:

- A) Podsticaji u poljoprivrednoj proizvodnji,
- B) Ostale vrste podsticaja,
- C) Ostale usluge iz programa podsticaja poljoprivrednoj proizvodnji, ugovori o djelu i transferi neprofitnim organizacijama.

A) PODSTICAJI U POLJOPRIVREDNOJ PROIZVODNJI

A/1 Podsticaj za animalnu proizvodnju

- 1.1. Podsticaj za proizvedene-otkupljene količine svježeg kravljeg mlijeka za IV kvartal 2020, I, II i III kvartal 2021.godine (organizovani otkup),

- 1.2. Podsticaj za proizvođače svježeg kravljeg mlijeka koji nisu u organizovanom otkupu mlijeka (prodaja svježeg kravljeg mlijeka i mliječnih proizvoda na Zelenoj pijaci u Kakanju),
2. Podsticaj za rasplodne krmače,
3. Podsticaj za pčelarstvo.

A/2 Podsticaj za biljnu proizvodnju

1. Podsticaj za plasteničku i stakleničku proizvodnju,
2. Podsticaj za sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva,
 - 2.1. Podsticaj za proljetnu obradu polj.zemljišta,
 - 2.2. Podsticaj za jesensku obradu polj.zemljišta,
3. Podsticaj za održavanje intenzivnih zasada visokostablašica (jabučasto, koštičavo i jezgrasto voće),
4. Podsticaj za održavanje zasada jagodastog voća koji nisu u organizovanom otkupu (aronija, američka borovnica, ribizla i dr.), te pitomog šipurka,
5. Podsticaj za proizvedene-otkupljene količine voća i povrća (jagodasto voće, voće visokostablašica, kornišoni i ostalo povrće (organizovani otkup)).

B) OSTALE VRSTE PODSTICAJA

Podsticaj za registraciju poljoprivrede kao osnovne djelatnosti za mlade osobe starosti do 35 godina,

1. Podsticaj za sufinansiranje nabavke opreme i mašina za registrovane prerađivačke kapacitete u oblasti poljoprivrede za pravna i fizička lica sa područja općine Kakanj,
2. Sufinansiranje Projekata udruženjima polj.proizvođača - članica Saveza „KAP“ Kakanj u cilju razvoja i unapređenja poljoprivrede na području općine Kakanj,
3. Podsticaj za sufinansiranje projekata u saradnji sa međunarodnim organizacijama,
4. Ugovorene obaveze iz 2018.,2019. i 2020 godine (refundacija doprinosa za registrovane polj.proizvođače, Projekat jesenska sjetva za 2020.godinu u saradnji sa FMPVŠ),

5. Rezervna sredstva.

**C) OSTALE USLUGE IZ PROGRAMA
PODSTICAJA POLJOPRIVREDNOJ
PROIZVODNJI, UGOVORI O DJELU I
TRANSFERI NEPROFITNIM
ORGANIZACIJAMA**

1. Ostale usluge iz programa podsticaja poljoprivrednoj proizvodnji,
2. Ugovori o djelu,
3. Transfer neprofitnim organizacijama

Napomena: Ukoliko se planirana sredstva po vrstama novčanih podsticaja iz objektivnih razloga u cijelosti ili djelomično ne iskoriste, ista se mogu preusmjeriti sa jedne pozicije na drugu unutar Programa, uz saglasnost Općinskog načelnika.

Općina Kakanj je u Budžetu za 2021. godinu izdvojila sredstva u iznosu od 423.800,00 KM, za realizaciju dole navedenih općinskih podsticaja:

**A) PODSTICAJI U POLJOPRIVREDNOJ
PROIZVODNJI**

A/1 Podsticaj za animalnu proizvodnju

1.1. Podsticaj za proizvedene-otkupljene količine svježeg kravljeg mlijeka za IV kvartal 2020, I, II i III kvartal 2021.godine (organizovani otkup).

Pravo na podsticaj imaju proizvođači svježeg kravljeg mlijeka upisani u Registar poljoprivrednih gazdinstava i registar klijenata kao nosioci gazdinstva, koji imaju potpisan Ugovor za tekuću godinu o otkupu kravljeg mlijeka sa registrovanim otkupljivačem mlijeka i koji se nalaze na listi izdatoj od otkupljivača mlijeka sa otkupljenom količinom po kvartalima. Podsticaji za navedenu proizvodnju će se isplaćivati kvartalno (za IV kvartal 2020. godine, I, II i III kvartal 2021. godine), s tim da će se IV kvartal iz tekuće godine planirati u Programu za 2022.godinu (na ovaj način se realizira podsticaj za proizvodnju svježeg kravljeg mlijeka na federalnom nivou).

Za ostvarivanje podsticaja potrebno je da se od strane registrovanih otkupljivača kravljeg mlijeka dostavi ovjerena Lista o otkupljenoj količini svježeg kravljeg mlijeka za poljoprivredne proizvođače sa područja općine Kakanj, sa navedenim isporučenim količinama kravljeg mlijeka po kvartalima.

Podsticaj iznosi:

- 0,12 KM/l za korisnike koji su registrovali poljoprivredu kao osnovnu djelatnost,

- 0,08 KM/l za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je:

- za IV kvartal 2020. god. do 12.02.2021. godine,
- za I kvartal 2021. god. do 16.04.2021. godine,
- za II kvartal 2021. god. do 16.07.2021. godine,
- za III kvartal 2021. god. do 15.10.2021. godine.

Za realizaciju posla zadužuje se Komisija.

1.2. Podsticaj za proizvođače svježeg kravljeg mlijeka koji nisu u organizovanom otkupu mlijeka (prodaja svježeg kravljeg mlijeka i mliječnih proizvoda na Zelenoj pijaci u Kakanju)

Pravo na podsticaj, imaju proizvođači svježeg kravljeg mlijeka koji su upisani u Registar poljoprivrednih gazdinstava i registar klijenata kao nosioci ili kao članovi gazdinstva, koji imaju potpisan Ugovor sa J.P. „Vodokom“ d.o.o. Kakanj za 2021. godinu o prodaji svježeg kravljeg mlijeka i mliječnih proizvoda na Zelenoj pijaci u Kakanju, da posjeduju najmanje 2 muzna grla u gazdinstvu, da su nad grlima provedene sve neophodne zdravstvene mjere propisane zakonom (mliječni karton), te da su grla navedena u Detaljnoj listi stočnog fonda u RPG i RK. Grla kandidirana za podsticaj moraju biti obilježena ušnim markicama, u skladu sa Pravilnikom o obaveznom označavanju i upisu u jedinstveni registar goveda.

Podsticaj iznosi:

- 150,00 KM/grlu za korisnike koji su registrovali poljoprivredu kao osnovnu djelatnost,
- 100,00 KM/grlu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 29.10.2021. godine.

Za realizaciju posla zadužuje se Komisija.

Procijenjena sredstva podsticaja za pozicije 1.1. i 1.2. iznose: **85.000,00 KM.**

2. Podsticaj za rasplodne krmače

Pravo na podsticaj imaju uzgajivači rasplodnih krmača upisani u Registar poljoprivrednih gazdinstava i registar klijenata kao nosioci.

Podstiču se samo kvalitetne rasplodne krmače starije od 12 mjeseci i ostavljene u rasplodu za najmanje još jednu generaciju potomaka.

Grla kandidirana za podsticaj moraju biti obilježena ušnim markicama, u skladu sa Pravilnikom o obaveznom označavanju i upisu u jedinstveni registar ovaca, koza i svinja te vođenju evidencija. Ukoliko se utvrdi da grlo koje se kandidira nije obilježeno ušnom markicom, vlasnik za isto nema pravo na ostvarivanje podsticaja.

U uzgoju mora biti osiguran stalni veterinarsko - zdravstveni nadzor, a nadležne veterinarske službe potvrđuju da su nad kandidiranim grlima provedene sve propisane mjere.

Podsticaj za rasplodne krmače iznosi:

- 150,00 KM/grlu za korisnike koji su registrovali poljoprivredu kao osnovnu djelatnost,
- 100,00 KM/grlu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 30.07.2021. godine.

Za realizaciju posla zadužuje se Komisija. Procijenjena sredstva podsticaja iznose: **5.000,00 KM.**

3. Podsticaj za pčelarstvo

Pravo na podsticaj imaju pčelari sa područja općine Kakanj koji su upisani u Registar poljoprivrednih gazdinstava i registar klijenata kao nosioci gazdinstva, da su upisani u Registar pčelara i pčelinjaka FBiH, te da su članovi udruženja pčelara sa područja općine Kakanj i da posjeduju košnice stacionirane na području općine Kakanj.

Podsticaj iznosi:

- 10,50KM/košnici za korisnike koji su registrovali poljoprivredu kao osnovnu djelatnost,
- 7,00 KM/košnici za korisnike koji nisu registrovali poljoprivrednu djelatnost,

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 28.05.2021. godine.

Za realizaciju posla zadužuje se Komisija u saradnji sa udruženjima pčelara.

Procijenjena sredstva podsticaja iznose: **29.000,00 KM.**

A/2 Podsticaj za biljnu proizvodnju

1. Podsticaj za plasteničku i stakleničku proizvodnju

Pravo na podsticaje mogu ostvariti poljoprivredni proizvođači upisani u Registar poljoprivrednih gazdinstava i registar klijenata kao nosioci gazdinstva i koji ispunjavaju slijedeće uslove:

- Da u plasteniku ili stakleniku imaju zasnovanu proizvodnju povrća ili cvijeća,
- Da imaju plastenike ili staklenike površine od 100 m² do 500 m²,
- Da je visina konstrukcije na najvišem dijelu minimalno 2 m,
- Da su plastenici sa UV folijom, zatvoreni sa čeonih strana i montiranim vratima za ulazak i izlazak.

Podsticaj iznosi:

- 2,25 KM/m² za korisnike koji su registrovali poljoprivredu kao osnovnu djelatnost,
- 1,50 KM/m² za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 25.06.2021. godine.

Za realizaciju posla zadužuje se Komisija.

Procijenjena sredstva podsticaja iznose: **28.000,00 KM.**

2. Podsticaj za sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva

2.1. Proljetna obrada poljoprivrednog zemljišta

Pravo na podsticaj imaju poljoprivredni proizvođači upisani u Registar poljoprivrednih gazdinstava i registar klijenata kao nosioci gazdinstva i koji u tekućoj godini u proljeće obave osnovnu i

dopunsku obradu zemljišta i zasnuju ratarsku i povrtlarsku proizvodnju na vlastitom imanju ili na zemljištu u zakupu, na površini od 3-20 dunuma.

Podsticaj iznosi:

- 60,00 KM/dunumu za korisnike koji su registrovali poljoprivredu kao osnovnu djelatnost,
- 40,00 KM/dunumu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva za proljetnu obradu poljoprivrednog zemljišta je do 28.05.2021.godine.

2.2. Jesenska obrada poljoprivrednog zemljišta

Pravo na podsticaj imaju poljoprivredni proizvođači upisani u Registar poljoprivrednih gazdinstava i registar klijenata kao nosioci gazdinstva i koji u tekućoj godini u proljeće obave osnovnu i dopunsku obradu zemljišta i zasnuju ratarsku i povrtlarsku proizvodnju na vlastitom imanju ili na zemljištu u zakupu, na površini od 3-20 dunuma.

Podsticaj iznosi:

- 60,00 KM/dunumu za korisnike koji su registrovali poljoprivredu kao osnovnu djelatnost,
- 40,00 KM/dunumu za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva za jesensku obradu poljoprivrednog zemljišta je do 26.11.2021.godine.

Za realizaciju posla zadužuje se Komisija.

Procjena sredstava za podsticaje sa pozicije 2. „Sufinansiranje osnovne i dopunske obrade poljoprivrednog zemljišta u oblasti ratarstva“ iznosi: **29.000,00 KM.**

3. Podsticaj za održavanje intenzivnih zasada visokostablašica (jabučasto, koštičavo i jezgrasto voće)

Pravo na podsticaj imaju poljoprivredni proizvođači upisani u Registar poljoprivrednih gazdinstava i registar klijenata kao nosioci gazdinstva i koji imaju podignute intenzivne zasade visokostablašica (jabučasto, koštičavo i jezgrasto voće) na vlastitom imanju ili na zemljištu u zakupu, minimalne

površine od 3 dunuma, a maksimalne 20 dunuma. U voćnjaku moraju biti provedene neophodne agrotehničke i pomotehničke mjere predviđene principima uzgoja u intenzivnoj proizvodnji.

Minimalan broj zasađenih stabala u intenzivnom voćnjaku za koji se aplicira (vidljivo iz registra poljoprivrednih gazdinstava i registra klijenata - Detaljni prikaz biljnih usjeva na posjedima iz 2021. godine) i na terenu:

- jabuka 2.000 komada/ha,
- kruška i višnja 1.500 komada/ha,
- šljiva 900 komada/ha,
- trešnja, breskva, kajsija i lijeska 700 komada/ha,
- dunja 1.000 komada/ha,
- okalemljeni orah 260 komada/ha,

Podsticaj iznosi:

- 90,00 KM/dunumu za korisnike koji su registrovali poljoprivredu kao osnovnu djelatnost,
- 60,00 KM/dunumu za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva za održavanje intenzivnih zasada visokostablašica (jabučasto, koštičavo i jezgrasto voće) je 28.05.2021. godine.

Procijenjena sredstva podsticaja iznose: **15.000,00 KM.**

3.3. Podsticaj za održavanje zasada jagodastog voća koji nisu u organizovanom otkupu (aronija, američka borovnica, ribizla i dr.), te pitomog šipurka

Pravo na podsticaj imaju poljoprivredni proizvođači jagodastog voća sa područja općine Kakanj, koje nije u organizovanom otkupu, kao i proizvođači pitomog šipurka, te da su upisani u Registar poljoprivrednih gazdinstava i registar klijenata kao nosioci i da su gore navedene kulture navedene u Detaljnom prikazu biljnih usjeva na posjedima iz 2021. godine).

Podsticaj iznosi:

- 150,00 KM/dunumu za korisnike koji su registrovali poljoprivredu kao osnovnu djelatnost,
- 100,00 KM/dunumu za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 30.09.2021. godine.

Za realizaciju posla zadužuje se Komisija

Procijenjena sredstva podsticaja iznose: **2.000,00 KM.**

4. Podsticaj za proizvedene - otkupljene količine voća i povrća (organizovani otkup)

Pravo na podsticaj imaju proizvođači voća i povrća sa područja općine Kakanj upisani u Registar poljoprivrednih gazdinstava i registar klijenata kao nosioci gazdinstva, a koji imaju potpisan Ugovor za tekuću godinu o otkupu voća i povrća sa registrovanim otkupljivačem ili prerađivačem.

Podsticaj iznosi:

- **Jagodasto voće**
 - 0,21 KM/kg za korisnike koji su registrovali poljoprivredu kao osnovnu djelatnost,
 - 0,14 KM/kg za korisnike koji nisu registrovali poljoprivrednu djelatnost.
- **Voće visokostablašica (jabučasto, koštičavo i jezgrasto)**
 - 0,15 KM/kg za korisnike koji su registrovali poljoprivredu kao osnovnu djelatnost,
 - 0,10 KM/kg za korisnike koji nisu registrovali poljoprivrednu djelatnost.
- **Kornišoni**
 - 0,12 KM/kg za korisnike koji su registrovali poljoprivredu kao osnovnu djelatnost,
 - 0,08 KM/kg za korisnike koji nisu registrovali poljoprivrednu djelatnost.
- **Ostalo povrće**
 - 0,21 KM/kg za korisnike koji su registrovali poljoprivredu kao osnovnu djelatnost,
 - 0,14 KM/kg za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Krajnji rok za podnošenje zahtjeva je 26.11.2021. godine.

Za realizaciju posla zadužuje se Komisija.

Procijenjena sredstva podsticaja iznose: **36.000,00 KM.**

B) OSTALE VRSTE PODSTICAJA

1. Podsticaj za registraciju poljoprivrede kao osnovne djelatnosti za mlade osobe starosti do 35 godina

Pravo na podsticaj imaju nezaposlene mlade osobe starosti do 35 godina sa područja općine Kakanj:

- koje se nalaze na evidenciji Biroa za zapošljavanje
- da imaju zasnovanu poljoprivrednu proizvodnju,
- da su upisani u Registar poljoprivrednih gazdinstava i registar klijenata kao nosioci,
- da registruju poljoprivredu kao osnovnu djelatnost ili su već registrovali u 2021. godini i da istu održavaju najmanje 3 godine.

Podsticajna sredstva namijenjena su za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti za registrovanu djelatnost) u prvoj i drugoj godini sa 100%, u trećoj godini Općina Kakanj refundira 50%, a krajnji korisnik sa 50%. Osim gore navedenih sredstava, odobrena su i dodatna sredstva u iznosu do 3.000,00 KM za nabavku polj. mehanizacije, opreme ili alata za proizvodnju za koju je registrovana djelatnost (vidljivo iz Obavještenja o razvrstavanju poslovnog subjekta - fizičkog lica prema klasifikaciji djelatnosti). Dodatna sredstva u iznosu do 3.000,00 KM će se uplatiti na žiro račun korisnika, shodno dostavljenom predračunu.

Općina Kakanj će sačiniti i potpisati Ugovor sa odabranim korisnicima podsticaja u kojem će biti definisane obaveze. Obaveza korisnika podsticaja je da dostavlja mjesečne obrasce 2002 iz kojih su vidljive uplate obaveznih doprinosa, nakon čega će Općina Kakanj iste uplaćivati na žiro račun korisnika podsticaja.

Realizacija podsticaja će se obaviti nakon objavljenih javnih poziva u kojima će biti navedena potrebna dokumentacija.

Javni poziv će biti otvoren do utroška planiranih finansijskih sredstava.

Za realizaciju posla zadužuje se Komisija.

Procjena sredstava za ovaj podsticaj iznosi: **20.000,00 KM.**

2. Podsticaj za sufinansiranje nabavke opreme i mašina za registrovane prerađivačke kapacitete u oblasti poljoprivrede za pravna i fizička lica sa područja općine Kakanj

Pravo na podsticaj imaju registrovani prerađivački kapaciteti odnosno pravna lica i fizička lica koja su registrovala poljoprivredu kao osnovnu djelatnost, a bave se otkupom tržišnih viškova poljoprivrednih proizvoda i iste prerađuju, zatim da su upisana u Registar poljoprivrednih gazdinstava i registar klijenata, te da su u 2021. godini nabavili novu opremu neophodnu za registrovanu djelatnost i dostave dokaze o kupovini (faktura i fiskalni račun na ime kupca).

Realizacija podsticaja će se obaviti nakon objavljenog javnog poziva u kojem će biti navedena potrebna dokumentacija.

Rok za podnošenje zahtjeva je 30 dana od objavljivanja javnog poziva.

Za realizaciju posla zadužuje se Komisija.

Iznos podsticaja po korisniku će zavisiti od broja prijavljenih.

Procjena sredstava za ovaj podsticaj iznosi: **40.000,00 KM**

4. Sufinansiranje projekata udruženja poljoprivrednih proizvođača članica Saveza "KAP" Kakanj u cilju razvoja i unapređenja poljoprivrede na području općine Kakanj

Podsticaj za sufinansiranje projekata udruženja poljoprivrednih proizvođača namijenjen je udruženjima poljoprivrednika sa područja općine Kakanj - članicama Saveza "KAP" Kakanj, u cilju razvoja i unapređenja poljoprivrede na području općine Kakanj.

Kriteriji koje mora ispuniti udruženje za dobijanje novčanog podsticaja su:

- da je udruženje registrovano u skladu sa Zakonom o udruženjima i fondacijama („Službene novine Federacije Bosne i Hercegovine“, broj: 45/02),
- da je upisano u Registar poljoprivrednih gazdinstava i klijenata,
- da dostavi Projekat koji sadrži slijedeće elemente:
 - naziv projekta, osnovni cilj projekta, aktivnosti koje se provode u okviru projekta, iznos sredstava potrebnih za realizaciju aktivnosti, odnosno za sufinansiranje projekta, broj korisnika obuhvaćenih projektom i očekivani rezultati.
 - da dostavi ovjerenu izjavu da će pod moralnom, materijalnom i krivičnom odgovornošću sufinansirati projekat u iznosu od 20% od vrijednosti predmetnog projekta i da će dobijena sredstva namjenski utrošiti.
 - da dostavi dokaz o obezbjeđenim sredstvima na računu (izvod iz banke) potrebnih za sufinansiranje projekta.

Jedno udruženje može aplicirati na samo jedan projekat u toku godine a Općina će sufinansirati u iznosu od 1.000,00 – 4.000,00 KM po projektu, u zavisnosti od vrijednosti projekta, iznosa sufinansiranja od strane udruženja i značaja projekta za udruženje i što veći broj članova udruženja.

Ocjenu dostavljenih projekata vršit će Komisija koju će imenovati Općinski načelnik.

Nakon utroška dobijenih sredstava, obaveza korisnika podsticaja je da dostave Izvještaj o namjenskom utrošku dobijenih sredstava.

Rok za podnošenje zahtjeva je 30 dana nakon objavljivanja javnog poziva.

Za realizaciju posla zadužuje se Komisija.

Procjena sredstava za ovaj podsticaj iznosi: **24.000,00 KM.**

4. Podsticaj za sufinansiranje projekata u saradnji sa međunarodnim organizacijama

Podsticajna sredstva namijenjena su za sufinansiranje projekata u saradnji sa

međunarodnom organizacijom „Muslim AID“ Sarajevo u oblasti plasteničke proizvodnje, kao i projektima sa drugim međunarodnim organizacijama za koje se tokom godine ukaže potreba, a koji imaju za cilj intenzivniji razvoj poljoprivrede, te uspostavu povoljnijeg poslovnog okruženja, održivi ekonomski razvoj, modernizaciju u poljoprivredi, samozapošljavanje i sl.

Procijenjena sredstva podsticaja iznose : **40.000,00 KM.**

8. Ugovorene obaveze iz 2018., 2019. i 2020. godine (refundacije doprinosa za registrovane poljoprivredne proizvođače, Projekat jesenska sjetva u 2020. godini u saradnji sa FMPVŠ i dr.,)

Shodno potpisanim ugovorima o realizaciji općinskog podsticaja za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju poljoprivrede kao osnovne djelatnosti, obaveza Općine je da:

- poljoprivrednim proizvođačima koji su registrovali poljoprivredu kao osnovnu djelatnost u 2018. godini refundira troškove obaveznih doprinosa u prvoj i drugoj godini sa 100%, dok u trećoj godini Općina Kakanj refundira 50%, a krajnji korisnik sa 50%(20 korisnika),
- poljoprivrednim proizvođačima koji su registrovali poljoprivredu kao osnovnu djelatnost u 2019. godini refundira troškove obaveznih doprinosa u prvoj i drugoj godini sa 100%, dok u trećoj godini Općina Kakanj refundira 50%, a krajnji korisnik sa 50 % (6 korisnika),
- poljoprivrednim proizvođačima koji su registrovali poljoprivredu kao osnovnu djelatnost u 2020. godini refundira troškove obaveznih doprinosa u prvoj i drugoj godini sa 100%, dok u trećoj godini Općina Kakanj refundira 50%, a krajnji korisnik sa 50 % (5 korisnika).

Općina Kakanj će troškove obaveznih doprinosa u navedenom periodu uplaćivati mjesečno na žiro račun korisnika podsticaja, nakon dostavljanja obrazaca 2002 iz kojeg su vidljive uplate obaveznih doprinosa korisnika.

Federalno ministarstvo poljoprivrede, vodoprivrede i šumarstva i Općina Kakanj su potpisali Sporazum o realizaciji programa podsticanja jesenske sjetve u 2020. godini, ukupne vrijednosti od **21.060,00 KM.** Od toga Federalno ministarstvo poljoprivrede, vodoprivrede i šumarstva učestvuje u iznosu od 16.480,00 KM (80%) i Općina Kakanj u iznosu od 4.212,00 KM (20%). Maksimalan iznos koji krajnji korisnik može da ostvari je 1.000,00 KM.

Nakon dobijenih sredstava od Federalnog ministarstva poljoprivrede, vodoprivrede i šumarstva, od ukupnog broja poljoprivrednih proizvođača (50) navedenih u preliminarnoj listi, 43 poljoprivredna proizvođača su dostavila dokaze o kupovini repromaterijala za jesensku sjetvu i ostvarili prava na sredstva u ukupnoj vrijednosti od **14.580,21 KM.** Federalno ministarstvo poljoprivrede, vodoprivrede i šumarstva učestvuje sa **11.664,17 KM,** a Općina Kakanj sa **2.916,04 KM.**

Za realizaciju posla zadužuje se Komisija.

Procijenjena sredstva za gore navedene podsticaje iznose: **37.000,00 KM.**

12. Rezervna sredstva

Sredstva za hitne i nepredviđene aktivnosti u oblasti poljoprivrede koje se pojave tokom budžetske godine, u skladu sa utvrđenim kriterijima ovog Programa.

Gore navedena sredstva su planirana za finansijsku pomoć poljoprivrednim proizvođačima (štete nastale u oblasti poljoprivrede, te za finansijsku pomoć po raznim pitanjima).

Realizacija – do kraja decembra tekuće godine.

Za realizaciju posla zadužuje se Komisija.

Rezervna sredstva u iznosu od **15.000,00 KM.**

**C) OSTALE USLUGE IZ PROGRAMA
PODSTICAJA POLJOPRIVREDNOJ
PROIZVODNJI, UGOVORI O DJELU I
TRANSFERI NEPROFITNIM
ORGANIZACIJAMA**

1. Ostale usluge iz Programa podsticaja poljoprivrednoj proizvodnji

Sredstva su namjenjena za izvještajno - prognozne poslove koji se obavljaju na teritoriji

općine Kakanj, a podrazumijevaju: servisiranje CDA 3 uređaja (agrometeoroloških stanica), nabavka repromaterijala (feromonske klopke, ljepljive ploče, oprema za potrebe rada IPS-a i dr.) i nepredviđene aktivnosti u oblasti zaštite bilja.

Također sredstva su namijenjena za medijsko predstavljanje poljoprivrede na području općine Kakanj, sajmovima vezano za poljoprivredu i ruralni razvoj, kao i organizovani odlazak poljoprivrednika na manifestacije i sajmove izvan općine Kakanj, studijske posjete vezano za poljoprivredu i ruralni razvoj, nabavka stručne literature, godišnja obuka poljoprivrednih savjetodavaca, te ostale fakture.

Realizacija – do kraja decembra tekuće godine.

Za realizaciju posla zadužuje se Komisija.

Procijenjena sredstva podsticaja iznose : **16.000,00 KM.**

2. UGOVORI O DJELU

Općina Kakanj će u saradnji sa Savezom „KAP“ Kakanj ukoliko se steknu povoljni uslovi planirati organizaciju teoretske i praktične edukacije u oblasti poljoprivrede uz angažovanje profesora sa Poljoprivredno-prehrambenog fakulteta iz Sarajeva, Veterinarskog fakulteta iz Sarajeva, Agromediterranskog fakulteta iz Mostara, te uposlenika federalnih zavoda i eminentnih stručnjaka iz oblasti poljoprivrede.

Za realizaciju posla zadužuje se Komisija u saradnji sa Savezom poljoprivrednih udruženja „KAP“ Kakanj.

Realizacija tokom godine.

Procjena sredstava za ovaj podsticaj iznosi: **1.800,00 KM.**

3. TRANSFER NEPROFITNIM ORGANIZACIJAMA

Sredstva su planirana neprofitnim organizacijama za aktivnosti u oblasti poljoprivrede, a koje se pojave tokom budžetske godine, u skladu sa utvrđenim kriterijima ovog Programa.

Procjena sredstava za ovaj podsticaj iznosi: **1.000,00 KM.**

IV REALIZACIJA PROGRAMA

Nakon usvajanja Programa od strane Općinskog vijeća, isti će se objaviti na lokalnim sredstvima informisanja, web stranici Općine Kakanj, te dostaviti Savezu poljoprivrednih udruženja „KAP“ Kakanj. Nadležna služba će objavljivati pojedinačne obavijesti i javne pozive zajedno sa kriterijima, rokovima i neophodnom dokumentacijom za prijavu na podsticaj. Po realizaciji Programa, Komisija za podsticaje će sačinii Izvještaj o utrošku novčanih sredstava.

Tabelarni prikaz sa iznosima podsticaja po jedinici mjere

R/b	Naziv podsticaja	Iznos sredstava za podsticaje
A/1 PODSTICAJ ZA ANIMALNU PROIZVODNJU		
1.1.	Podsticaj za proizvedene - otkupljene količine svježeg kravljeg mlijeka za IV kvartal 2020, I, II i III kvartal 2021. godine (0,08 KM/l i 0,12 KM/l) - organizovani otkup	85.000,00
1.2.	Podsticaj za proizvođače svježeg kravljeg mlijeka koji nisu u organizovanom otkupu mlijeka (prodaja svježeg kravljeg mlijeka i mliječnih proizvoda na Zelenoj pijaci u Kaknju) - minimalno 2 muzna grla - 100,00 KM/grlu i 150,00 KM/grlu	
2.	Podsticaj za rasplodne krmače - 100,00 KM/grlu i 150,00 KM/grlu	5.000,00
3.	Podsticaj za pčelarstvo - 7,00 KM/košnici i 10,50 KM/košnici	29.000,00

A/2 PODSTICAJ ZA BILJNU PROIZVODNJU		
1.	Podsticaj za plasteničku i stakleničku proizvodnju - 1,50 KM/m ² i 2,25 KM/m ²	28.000,00
2.	Podsticaj za sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva (od 3-20 dunuma) - 40,00 KM/dunumu i 60,00 KM/dunumu (proljetna i jesenska obrada)	29.000,00
3.	Podsticaj za održavanje intenzivnih zasada visokostablašica (jabučasto, koštičavo i jezgrasto voće) (od 3-20 dunuma) - 60,00 KM/dunumu i 90,00 KM/dunumu	15.000,00
4.	Podsticaj za održavanje zasada jagodastog voća koji nisu u organizovanom otkupu (aronija, američka borovnica, ribizla i dr.), te pitomog šipurka - 100,00 KM/dunumu i 150,00 KM/dunumu	2.000,00
5.	Podsticaj za prozvedene - otkupljene količine voća i povrća (organizovani otkup), - jagodasto voće: 0,14 KM/kg i 0,21 KM/kg - voće visokostablašica (jabučasto, koštičavo i jezgrasto): 0,10 KM/kg i 0,15 KM/kg - kornišon: 0,08 KM/kg i 0,12 KM/kg - ostalo povrće: 0,14 KM/kg i 0,21 KM/kg	36.000,00
B OSTALE VRSTE PODSTICAJA		
1.	Podsticaj za registraciju poljoprivrede kao osnovne djelatnosti za mlade osobe do 35 godina starosti	20.000,00
2.	Podsticaj za sufinansiranje nabavke opreme i mašina za registrovane prerađivačke kapacitete u oblasti poljoprivrede za pravna i fizička lica sa područja općine	40.000,00
3.	Sufinansiranje projekata Udruženjima polj. proizvođača- članice Saveza „KAP“ Kakanj, u cilju razvoja i unapređenja poljoprivrede na području općine Kakanj	24.000,00
4.	Podsticaj za sufinansiranje projekata u saradnji sa međunarodnim organizacijama	40.000,00
5.	Ugovorene obaveze iz 2018., 2019. i 2020. godine (refundacije doprinosa za registrovane polj. proizvođače, Projekat jesenska sjetva 2020 u saradnji sa FMPVŠ)	37.000,00
6.	Rezervna sredstva	15.000,00
C) OSTALE USLUGE IZ PROGRAMA PODSTICAJA POLJ. PROIZVODNJI, UGOVORI O DJELU I TRANSFERI NEPROFITNIM ORGANIZACIJAMA		
1.	Ostale usluge iz Programa podsticaja poljoprivrednoj proizvodnji	16.000,00
2.	Ugovori o djelu	1.800,00
3.	Transfer neprofitnim organizacijama	1.000,00
UKUPNO:		423.800,00

**PREDSJEDAVAJUĆI
OPĆINSKOG VIJEĆA**
Slaven Katičić, sr.

63.
BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
Općinsko vijeće
Broj: 01/1-5-132/21
Kakanj, 31.03.2021. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

ZAKLJUČAK

Član 1.

Prilikom izrade Programa podsticaja za poljoprivredu iz Budžeta Općine Kakanj za 2022. godinu, predvidjeti dvostruko veće iznose podsticaja za registrirane poljoprivredne proizvođače kojima je poljoprivredna proizvodnja osnovna djelatnost u odnosu na ne registrirane poljoprivredne proizvođače kojima je poljoprivredna proizvodnja dodatna djelatnost.

Član 2.

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj.“

PREDSJEDAVALAČI
OPĆINSKOG VIJEĆA
 Slaven Katičić, sr.

64.
BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
Općinsko vijeće
Broj: 01/1-5-129/21
Kakanj, 31.03.2021. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Općine Kakanj“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08), te člana 61. Odluke o izvršavanju Budžeta Općine Kakanj za 2021. godinu („Službene novine Općine Kakanj“, broj: 3/21) i člana 92 i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16),

Općinsko vijeće na 5. sjednici, održanoj dana 31.03.2021. godine, donijelo je

P R O G R A M

utroška sredstava iz Budžeta Općine Kakanj za podsticaj razvoja poduzetništva i obrta za 2021. godinu

1. Podaci o Programu

Program utroška sredstava iz Budžeta Općine Kakanj za podsticaj razvoja poduzetništva i obrta za 2021. godinu sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2021. godinu sa pozicija „Subvencije za podsticaj razvoja poduzetništva i obrta-Program OV-a“ u iznosu 525.000,00 KM, Ostale usluge iz Programa „Subvencije za podsticaj razvoja poduzetništva i obrta“ u iznosu 25.000,00 KM i Naknade iz Programa „Subvencije za podsticaj razvoja poduzetništva i obrta“ u iznosu 1.000,00 KM a shodno Zakonu o izdvajanju i usmjeravanju dijela prihoda preduzeća ostvarenim radom termoelektrana („Službene novine Federacije BiH“, broj: 80/14), te poziciji „Realizacija potpisanog sporazuma sa Fondacijom HELVETAS Moja budućnost“ u iznosu od 15.000,00 KM.

2. Period realizacije Programa

Sredstva namijenjena za podsticaj razvoja poduzetništva i obrta na području općine Kakanj realizovaće se u tekućoj 2021. godini.

3. Raspoloživi iznos sredstava

566.000,00 (petstotinašezdesetšestiljada) KM.

4. Namjena Programa

- 4.1. Refundacija troškova registracije novoosnovanih poslovnih subjekta;
- 4.2. Projekat „Pokreni svoj posao u Kakanju“;
- 4.3. Projekat „Sufinansiranje troškova zapošljavanja radnika“;
- 4.4. Regresiranje kamata za kredite odobrene u komercijalnim bankama u 2020. i 2021. godini za poduzetnike i obrtnike sa područja općine Kakanj;
- 4.5. Sufinansiranje zapošljavanja osoba sa invaliditetom;
- 4.6. Sufinansiranje projekata u saradnji sa međunarodnim i nevladinim organizacijama;

- 4.7. Sufinansiranje projekta „Ekonomsko osnaživanje žena kroz obuku krojenja i šivanja“;
- 4.8. Saradnja na projektima udruženja privrednika, promocija razvoja poduzetništva i obrta i učešće na sajmovima;
- 4.9. Ugovorene obaveze prema korisnicima podsticajnih sredstava iz prethodnih godina;
- 4.10. Nabavka stručne literature;
- 4.11. Rezervna sredstva;
- 4.12. Naknade iz Programa utroška sredstava iz Budžeta Općine Kakanj za podsticaj razvoja poduzetništva i obrta.

5. Korisnici Programa

Nezaposlene osobe sa područja općine Kakanj, poslovni subjekti koji svoju djelatnost obavljaju na području općine Kakanj, novoosnovani poslovni subjekti, Udruženje žena općine Kakanj (UŽOK), JU Biblioteka Kakanj, marginalizirane grupe žena i lica sa invaliditetom.

6. Izvor sredstava

Budžet Općine Kakanj za 2021. godinu, pozicije „Subvencije za podsticaj razvoja poduzetništva i obrta – Program OV-a, ekonomski kod: 614500, »Ostale usluge iz Programa „Subvencije za podsticaj razvoja poduzetništva i obrta“«

ekonomski kod 613900, »Naknade iz Programa „Subvencije za podsticaj razvoja poduzetništva i obrta“«, ekonomski kod 613900 te pozicija „Realizacija potpisanog sporazuma sa Fondacijom HELVETAS Moja budućost“, ekonomski kod 614500 („Službene novine Općine Kakanj“, broj: 03/21).

UVODNI DIO

Programom utroška sredstava iz Budžeta Općine Kakanj za podsticaj razvoja poduzetništva i obrta za 2021. godinu, Općina Kakanj nastoji:

- razviti poduzetničku svijest među mladim osobama,
- povećati broj i održivost obrtničkih radnji i preduzeća - d.o.o.,
- povećati broj zaposlenih na području općine Kakanj.

U skladu sa Zakonom o podsticaju razvoja male privrede („Službene novine Federacije BiH“ broj: 19/06 i 25/09) kojim se uređuje planiranje, osiguranje sredstava i provedba mjera razvoja male privrede u Federaciji BiH, omogućeno je da lokalne zajednice mogu u svojim Budžetima izdvojiti finansijska sredstva za podsticaje. Na osnovu toga su u Budžetu Općine Kakanj za 2021. godinu odobrena sredstva za podsticaj razvoja poduzetništva i obrta.

I VRSTE I NAČIN OSTVARIVANJA PODSTICAJA

R/b	Naziv podsticaja	Planirana sredstva/KM
1.	Refundacija troškova registracije novoosnovanih poslovnih subjekata	32.000,00
2.	Projekat „Pokreni svoj posao u Kakanju“	130.000,00 ¹
3.	Projekat „Sufinansiranje troškova zapošljavanja radnika“	80.000,00
4.	Regresiranje kamata za kredite odobrene u komercijalnim bankama u 2020. i 2021. godini za poduzetnike i obrtnike sa područja općine Kakanj	20.000,00
5.	Sufinansiranje zapošljavanja osoba sa invaliditetom	5.000,00
6.	Sufinansiranje projekata u saradnji sa međunarodnim i nevladinim organizacijama	50.000,00
7.	Sufinansiranje projekta „Ekonomsko osnaživanje žena kroz obuku krojenja i šivanja“	10.000,00

¹ Od ukupno opredijeljenog iznosa za projekat „Pokreni svoj posao u Kakanju“, 15.000,00 KM su sredstva Fondacije HELVETAS Moja budućnost, a 115.000,00 KM su sredstva iz Budžeta Općine Kakanj

8.	Saradnja na projektima udruženja privrednika, promocija razvoja poduzetništva i obrta i učešće na sajmovima	22.000,00
9	Ugovorene obaveze prema korisnicima podsticajnih sredstava iz prethodnih godina	200.000,00
10.	Nabavka stručne literature	1.000,00
11.	Rezervna sredstva	15.000,00
12.	Naknade iz Programa utroška sredstava iz Budžeta Općine Kakanj za podsticaj razvoja poduzetništva i obrta.	1.000,00
UKUPNO		566.000,00

1. Refundacija troškova registracije novoosnovanih poslovnih subjekata

Na ovaj način refundiraju se troškovi registracije novoosnovanih poslovnih subjekata registrovanih na području općine Kakanj.

Kroz ovaj podsticaj nastoji se povećati broj i održivost preduzeća/obrta na području općine Kakanj, doprinijeti razvoju poduzetničke svijesti, te povećati broj zaposlenih na području naše općine.

Pravo na podsticaj imaju fizička i pravna lica koja registruju djelatnost, osnuju firmu na području općine Kakanj u periodu od 16.12.2020. – 15.12.2021. godine (osim poslovnih subjekata koji registruju dopunsku djelatnost) i nemaju obaveza po osnovu javnih prihoda.

Za ostvarivanje podsticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji izdato od nadležne institucije;
- obavještenje o razvrstavanju djelatnosti prema Klasifikaciji djelatnosti;
- dokaze o plaćenim taksama i troškovima registracije djelatnosti odnosno osnivanja firme (uplatnice, računi i dr.);
- dokaz o otvorenom bankovnom računu poslovnog subjekta.

Refundacija troškova osnivanja firme ne odnosi se na osnivački kapital, već na troškove notarske obrade dokumenata, sudske i administrativne takse, te izradu pečata firme.

Zahtjevi za refundaciju predmetnih troškova sa potrebnom dokumentacijom podnose se Službi za privredu, urbanizam i zaštitu okoline putem prijemne kancelarije Općine Kakanj do 15.12.2021. godine.

Refundacija troškova osnivanja trgovačkih i ugostiteljskih radnji može biti ostvarena jednom u toku 2020. godine za jedan poslovni prostor.

2. Projekat „Pokreni svoj posao u Kakanju“

Ovim podsticajem predviđeno je sufinansiranje pokretanja i održavanje malih biznisa – preduzeća – d.o.o., profesionalnih djelatnosti, te obrta i srodnih djelatnosti (osim poljoprivrede i javnog prijevoza).

Korisnici ovog podsticaja su nezaposlene osobe koje se nalaze na evidenciji Biroa za zapošljavanje Kakanj i koje u tekućoj godini registruju djelatnost, te fizička/pravna lica koja su registrovala djelatnost u periodu od okončanja javnog poziva za ovaj Projekat u 2020. godini do okončanja javnog poziva u tekućoj godini i koji ispunjavaju sljedeće uslove:

- da redovno izmiruju obaveze po osnovu poreza i doprinosa;
- da imaju najmanje jednog radnika na neodređeno vrijeme uključujući i vlasnika;
- da imaju prebivalište na području općine Kakanj.

Podsticajna sredstva namijenjena su za:

- refundaciju troškova obaveznih doprinosa – PIO, zdravstveno osiguranje i osiguranje od nezaposlenosti, za registrovanu djelatnost - period od 24 mjeseca (prva godina u iznosu od 100%, a maksimalno 395,00 KM/mjesec, druga godina 50%, a maksimalno 197,50 KM/mjesec),
- sufinansiranje troškova nabavke mašina i opreme neophodnih za obavljanje registrovane djelatnosti u iznosu od 2.000,00 KM do 3.000,00 KM.

Ukoliko korisnik sredstava u okviru pokrenute djelatnosti/društva do kraja tekuće godine, osim

sebe zaposli i neku drugu osobu, prijavljenu na evidenciju nezaposlenih Biroa u Kakanju (bez obzira na dob, radno iskustvo i stepen stručnog obrazovanja), na period od najmanje 12 mjeseci, mjesečno će mu se refundirati sredstva u iznosu od 150,00 KM/mjesečno po svakoj zaposlenoj osobi (maksimalno do 3 osobe) u trajanju od 12 mjeseci.

Projekat obuhvaća sljedeće aktivnosti:

- objavljivanje Javnog poziva;
- apliciranje zainteresiranih kandidata;
- razmatranje i obrada pristiglih prijava (odabir);
- registracija djelatnosti (lica koja nisu registrovala djelatnost);
- potpisivanje Ugovora o realizaciji Projekta sa odabranim korisnicima;
- isplata odobrenog iznosa sredstava za sufinansiranje troškova pokretanja i održavanja vlastitog biznisa;
- monitoring;
- mentoring.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- uvjerenje da se lice nalazi na evidenciji Biroa za zapošljavanje Kakanj;
- rješenje o registraciji djelatnosti (ukoliko je firma registrovana);
- obavještenje o razvrstavanju djelatnosti prema Klasifikaciji djelatnosti (ukoliko je firma registrovana);
- biznis plan;
- ovjerenu izjavu da će nakon odobravanja podsticajnih sredstava, registrovanu djelatnost održavati u trajanju od najmanje 24 mjeseca od dana potpisivanja ugovora o realizaciji projekta „Pokreni svoj posao u Kakanju“.

Komisija će nakon pristiglih prijava obaviti intervju sa prijavljenim kandidatima, ocijeniti iste i sačiniti rang listu prema broju ostvarenih bodova. Odabrani kandidati će nakon što registruju djelatnost (za lica koja nisu registrovana) potpisati ugovor sa Općinom.

Nakon potpisivanja ugovora o realizaciji Projekta, dostavljanja predračuna za nabavku sredstava i ovjerene izjave da će podsticajna sredstva namjenski utrošiti, Općina će na račun korisnika podsticaja uplatiti odobreni iznos za nabavku sredstava za rad, dok će korisnik sredstava biti obavezan u roku od mjesec dana od dana isplate u Službu za privredu, urbanizam i zaštitu okoline dostaviti dokaz o utrošku sredstava.

Troškovi obaveznih doprinosa će se uplaćivati mjesečno.

Dio sredstva sa ove pozicije opredijeliće se za sufinansiranje projekta – podrška samozapošljavanju mladih koji će Općina Kakanj realizovati u saradnji sa Fondacijom HELVETAS Moja budućnost.

Općina Kakanj i Fondacija Helvetas Moja budućnost potpisali su sporazum o saradnji na realizaciji projekta koji za cilj ima unaprjeđenje i razvoj poduzetništva mladih sa područja naše Općine. Općina Kakanj i Fondacija Helvetas Moja budućnost će, za podršku samozapošljavanja mladih sa područja općine Kakanj, udružiti sredstva u ukupnom iznosu od 50.000,00, od čega je finansijsko učešće Općine 35.000,00 KM, a Fondacije HELVETAS 15.000,00 KM.

Projekat će se realizovati tokom godine do utroška sredstava.

3. Projekat „Sufinansiranje troškova zapošljavanja radnika“

Podsticajna sredstva sa ove pozicije namijenjena su za sufinansiranje zapošljavanja osoba, prijavljenih na evidenciju Biroa za zapošljavanje sa završenom SSS, VS i VSS, kod poslovnih subjekata sa područja općine Kakanj.

Pravo na dodjelu podsticajnih sredstava imaju poslovni subjekti koji ispunjavaju sljedeće uslove:

- djelatnost obavljaju na području općine Kakanj;
- djelatnost koju obavljaju nije iz oblasti trgovine, ugostiteljstva i priređivanja igara na sreću;
- redovno izmiruje obaveze po osnovu poreza i doprinosa;
- u skladu sa Zakonom o radu zakluče ili su u tekućoj godini zaključili ugovor o radu sa osobom koja se prethodno nalazila na evidenciji Biroa za zapošljavanje Kakanj najmanje 1 mjesec;
- da u posljednjih 6 mjeseci nisu smanjivali broj radnika osim u slučaju opravdanih razloga (penzionisanje, otkaz za zahtjev radnika i sl.).

Poslovnom subjektu koji zaposli nezaposlenu osobu, na poslove prema odgovarajućoj stručnoj spremi, a u skladu sa registrovanom djelatnošću, na period od 12 mjeseci, Općina Kakanj će sufinansirati bruto plaću radnika na sljedeći način:

- za osobe sa završenom SSS poslovnom subjektu će biti dodijeljen podsticaj u iznosu od 3.000,00 KM;

- za osobe za završenom VS i VSS poslovnom subjektu će biti dodijeljen podsticaj u iznosu od 4.000,00 KM.

Podsticajna sredstva će se isplaćivati na sljedeći način:

- Prva uplata - 50% od ukupno odobrenog iznosa nakon potpisivanja ugovora sa Općinom i potpisivanja ugovora o radu između poslodavca i nezaposlene osobe;
- Druga uplata - 40% od ukupno odobrenog iznosa nakon 6 mjeseci;
- Treća uplata – 10% od ukupno odobrenog iznosa nakon isteka ugovornog perioda (12 mjeseci).

Poslovnim subjektu se po Programu mogu odobriti podsticajna sredstva za zapošljavanje 1 (jedne) osobe. Ukoliko se na Javni poziv ne prijavi dovoljan broj poslovnih subjekata, prijavljenim subjektima se mogu odobriti podsticajna sredstva namijenjena za zapošljavanje više od 1 (jedne) osobe.

Za ostvarivanje podsticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji djelatnosti;
- obavještenje o razvrstavanju djelatnosti prema Klasifikaciji djelatnosti;
- ovjerenu izjavu:
 - da neće (ponovo) zaposliti osobu koju je otpustio u prethodnih 6 mjeseci;
 - da će zadržati postojeći broj radnika uvećan za broj primljenih radnika u narednih 12 mjeseci;
 - da u posljednjih 6 mjeseci nije smanjivao broj radnika.
- broj tekućeg računa kod poslovne banke;
- obrazac JS3100 za prijavljene novouposlene radnike uz dokaz da se lice do momenta zapošljavanja nalazilo na evidenciji Biroa za zapošljavanja (poslovni subjekte koji tek planiraju zapošljavati radnike, navedenu dokumentaciju će naknadno dostaviti).

Projekat će biti realiziran tokom godine do utroška sredstava.

4. Regresiranje kamata za kredite odobrene u komercijalnim bankama u 2020. i 2021. godini za poduzetnike i obrtnike sa područja općine Kakanj

Na ovaj način se regresiraju kamate za kredite odobrene u komercijalnim bankama u 2020. i 2021. godini za poduzetnike i obrtnike sa područja općine Kakanj i to isključivo za kredite korištene

radi ulaganja u registrovanu djelatnost korisnika kredita.

Ovom vrstom podsticaja Općina Kakanj će poduzetnicima i obrtnicima sa područja općine Kakanj, koji redovno izmiruju obaveze po osnovu poreza i doprinosa, regresirati uplaćene kamate za kredite odobrene u komercijalnim bankama. Za kredite od 5.000,00 KM – 50.000,00 KM Općina će refundirati kamate u iznosu 100%, a za kredite od 50.000,00 KM – 100.000,00 KM u iznosu 50% od ukupno uplaćenih kamata. Kamata se regresira na godišnjem nivou. Maksimalna nominalna kamatna stopa koja se regresira iznosi do 8%, a period otplate kredita je do 5 godina. Općina Kakanj se obavezuje da će korisniku podsticaja refundirati kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama.

Za ostvarivanje predmetnog podsticaja potrebno je uz zahtjev dostaviti i sljedeću dokumentaciju (originali ili ovjerene kopije):

- rješenje o registraciji djelatnosti;
- obavještenje o razvrstavanju djelatnosti prema Klasifikaciji djelatnosti;
- ugovor s bankom sa anuitetnim planom otplate kredita;
- potvrdu banke o redovnoj otplati kredita, sa obaveznim pregledom obračunatih i uplaćenih kamata za period za koji se regresira kamata;
- dokaz o utrošku kreditnih sredstava (kao dokaz se prihvata: račun, faktura, ugovor).

Zahtjevi za regresiranje kamata za kredite odobrene u komercijalnim bankama u 2020. i 2021. godini sa potrebnom dokumentacijom podnose se Službi za privredu, urbanizam i zaštitu okoline na prijemnoj kancelariji Općine Kakanj, najkasnije do 30.11.2021. godine.

5. Sufinansiranje zapošljavanja osoba za invaliditetom

Podsticajna sredstva za zapošljavanje osoba sa invaliditetom namijenjena su za sufinansiranje nabavke repromaterijala, režijske troškove firmama i poslovnim jedinicama registrovanim na području općine Kakanj koje upošljavaju osobe sa invaliditetom preko 50% invaliditeta sa područja općine Kakanj.

Podsticaj će se realizovati tokom godine do utroška sredstava.

6. Sufinansiranje projekata u saradnji sa međunarodnim i nevladinom organizacijama

Općina Kakanj u saradnji sa Investicijskom fondacijom IMPAKT planira realizaciju programa podrške razvoju poduzetništva „IMPACT inkubator poslovnih ideja“. Cilj programa podrške poduzetništvu koji se u lokalnim zajednicama realizuje kroz Impakt Inkubator poslovnih ideja, je uspostava partnerstva lokalnih aktera u izgradnji poduzetničkog ekosistema i okruženja koje stimulise potencijalne poduzetnike na pokretanje poslovnih poduhvata, ali i pruža podršku postojećim poduzetnicima u očuvanju njihovih poslovnih poduhvata. IMPAKT inkubator poslovnih ideja realizuje se uz podršku Vlade Švicarske. Za realizaciju navedenom Programa Općina Kakanj je obavezna osigurati finansijska sredstva u iznosu 15.000,00 KM. Investicijska fondacija IMAPKT će pored savjetodavne, tehnične, stručne i mentorske podrške osigurati i finansijska sredstva u iznosu 25.000,00 KM za dodjelu bespovratne finansijske podrške za pokretanje novih biznisa (do 5.000,00 KM po registrovanom biznisu).

Općina planira aplicirati na Javni poziv za podršku u pokretanju i razvoju biznisa marginaliziranim grupama žena. Fond za podršku razvoju biznisa marginaliziranih žena zajednički osiguravaju općine/gradovi i USAID-ov Program podrške marginaliziranim grupama (PPMG). Program je namijenjen ženama žrtvama nasilja, samohranim majkama, nezaposlenim mladim ženama do 35 godina, ženama sa invaliditetom ili s djetetom sa invaliditetom, te ženama koje su na neki način marginalizirane a imaju poslovnu ideju i žele je realizovati pokretanjem vlastitog biznisa (registracijom obrta/preduzeća). Najmanji iznos sredstava koji možemo potraživati od USAID, a koji bi i Općina Kakanj trebala osigurati je 30.000,00 KM, a najveći 50.000,00 KM.

Sa ove pozicije se također planira i sufinansiranje projekata koje bi Općina trebala realizovati u saradnji sa udruženjem za poduzetništvo i posao LiNK Mostar (u toku su dogovori) ili drugim međunarodnim ili nevladinim organizacijama za koje se u toku godine ukaže potreba.

7. Sufinansiranje projekta „Ekonomsko osnaživanje žena kroz obuku krojenja i šivanja“

Projekat ekonomskog osnaživanja žena će se realizovati u saradnji sa Udruženjem žena općine Kakanj „UŽOK“ kroz obuku krojenja i šivanja, a za isti će se angažovati kvalifikovani predavači za ovu oblast.

Podsticajna sredstva namijenjena su za obuku žena sa područja općine Kakanj, nabavku opreme i repromaterijala, te plaćanje troškova predavača/edukatora.

Na ovaj način Općina Kakanj nastoji pomoći nezaposlenim ženama sa područja općine Kakanj da pronađu način i povećaju sopstvene šanse za zapošljavanje i tako sebi osiguraju ekonomsku neovisnost.

Po okončanju obuke UŽOK će Općini Kakanj dostaviti izvještaj o utrošku sredstava.

8. Saradnja na projektima udruženja privrednika, promocija razvoja poduzetništva i obrta i učešće na sajmovima

Iz navedenih sredstava planiraju se finansirati sljedeći izdaci:

- realizacija projekata u saradnji sa udruženjem privrednika, promocija poduzetnika i obrtnika, obavještavanje o podsticajima, učešće poduzetnika i obrtnika sa područja općine Kakanj na sajmovi i sl.

9. Ugovorene obaveze prema korisnicima podsticajnih sredstava iz prethodnih godina

Shodno ugovorenim obavezama prema korisnicima podsticajnih sredstava „Pokreni svoj posao u Kakanju“ iz 2019. i 2020. godine (refundacija troškova obaveznih doprinosa i sufinansiranje nabavke sredstava za rad, repromaterijal, opremu i sl., za registrovanu djelatnost) sa ove pozicije će se isplaćivati podsticajna sredstva za 59 korisnika sa kojima su potpisani ugovori u 2019. i 2020. godini, te podsticajna sredstva namijenjena za refundaciju troškova obaveznih doprinosa za 12 korisnika projekta „Međuopćinskom saradnjom do bolje i inkluzivnije prakse podrške“.

Također će se sa ove pozicije isplaćivati i podsticajna sredstva za 8 poslovnih subjekata koji zapošljavaju 19 radnika sa kojima su u 2020. godini potpisani ugovori, te podsticajna sredstva za 13 korisnika koji su u proteklim godinama (2016., 2018. i 2019. godina) ostvarili pravo na „Regresiranje kamata za kredite odobrene u komercijalnim bankama za poduzetnike i obrtnike sa područja općine Kakanj“ (Općina Kakanj korisniku podsticaja refundira kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama).

10. Nabavka stručne literature

Podsticajna sredstva sa ove pozicije namijenjena su za nabavku stručne literature iz oblasti poduzetništva za potrebe JU Gradska biblioteka Kakanj.

11. Rezervna sredstva

Sredstva za hitne i nepredviđene aktivnosti u oblasti poduzetništva i obrta koje se pojave tokom budžetske godine, sufinansiranje projekata iz oblasti poduzetništva koji nisu previđeni Programom a za koje se u toku godine ukaže potreba, u skladu sa utvrđenim kriterijima ovog Programa.

Realizacija – do kraja decembra tekuće godine.

12. Naknade iz Programa „Subvencije za podsticaj razvoja poduzetništva i obrta“ – ugovori o djelu

Podsticajna sredstva su namijenjena za angažman edukatora, predavača i drugih stručnih lica u oblasti poduzetništva.

Napomena: Jedan aplikant može ostvariti pravo na podsticaj maksimalno sa 2 pozicije. Prednost pri

odabiru korisnika općinskih podsticajnih sredstava imaju oni podnosioci zahtjeva koji prethodnih godina nisu bili korisnici istog.

II ZAVRŠNI DIO

Isplata podsticajnih sredstava će se obaviti na transakcijski račun korisnika istih, a otvoren kod poslovnih banaka.

Ukoliko se planirani iznos sredstava za određenu vrstu podsticaja iz objektivnih razloga u cjelosti ili djelimično ne bude utrošen, Služba za privredu, urbanizam i zaštitu okoline Općine Kakanj može uz saglasnost Općinskog načelnika navedena neutrošena sredstva usmjeriti na realizaciju drugih podsticaja iz ovog Programa.

Služba za privredu, urbanizam i zaštitu okoline Općine Kakanj će na kraju budžetske godine sačiniti Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2021. godinu, te isti dostaviti Općinskom vijeću na razmatranje i usvajanje.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

65.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ**

Općinsko vijeće

Broj: 01/1-5-99/21

Kakanj, 31.03.2021. godine

Na osnovu člana 19. Zakona o komunalnim djelatnostima ZDK („Službene novine ZDK“, broj: 17/08), člana 24. stav Statuta Općine Kakanj („Službene novine Općine Kakanj“, broj: 4/08), te člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

O D L U K U

o visini subvencioniranja troškova transporta komunalnog otpada iz udaljenih mjesnih zajednica

Član 1.

Na osnovu Programa utroška namjenskih sredstava za zaštitu okoline Općine Kakanj za 2021. godinu („Službene novine Općine Kakanj“, broj: 5/21), zadužuje se JP „VODOKOM“ d.o.o. Kakanj, da uspostavi sistem integralnog upravljanja komunalnim otpadom na području općine Kakanj kroz sakupljanje i odvoz komunalnog otpada iz udaljenih mjesnih zajednica općine Kakanj.

Općina Kakanj preuzima obavezu sufinansiranja odvoza komunalnog otpada iz udaljenih mjesnih zajednica prema kalkulaciji troškova transporta otpada u udaljenim mjesnim zajednicama, koja je dostavljena od strane JP „VODOKOM“ d.o.o. Kakanj (Tabela 1.).

Tabela 1.

R. br.	MZ Naselje područje	Ukupna dnevna produkcija		Dinamika odvoza		Odvoz mjesečno (4 sedm.) broj tura za odvoz-SCANIA-om (t)	Udaljenost Centra MZ ² od Centra Grada (L) (km)		Troškovi sakuplj. i transp. na mjesečnom i god. nivou za jed. cijenu od 4,37 KM/km za produkciju od 80 % (SA PDV-om) (KM)	
		Gustoća 416 kog/m ³		period	Broj tura		Ukupno mjesečno			
		Prosječna produkcija otpada po stanovniku 0,90 kg/stan./dan								
		kg	m ³	-	(t)		(t)	L		
1.	Bijele Vode	712,0	1,71	sedmično	1	4	8,7	69,6	304,15	3.649,82
2.	Brnj	467,1	1,13	sedmično	1	4	7,7	61,6	269,19	3.230,30
3.	Bilješevo	512,1	1,23	sedmično	1	4	10,7	85,6	374,07	4.488,86
4.	Modrinje	442,8	1,06	sedmično	1	4	14,0	112	489,44	5.873,28
5.	Podgora	754,2	1,81	sedmično	1	4	15,0	120	524,4	6.298,80
6.	Ričica	662,4	1,59	sedmično	1	4	10,5	84	367,08	4.404,96
7.	Slapnica	461,7	1,1	sedmično	1	4	8,4	67,2	293,66	3.523,96
8.	Tršće	948,6	2,28	sedmično	1	4	9,0	72	314,64	3.775,68
9.	Vukanovići	232,2	0,56	U 15 dana	1	2	9,0	36	157,32	1.887,84
10.	Zagrađe	448,2	1,08	sedmično	1	4	11,0	88	384,56	4.614,72
11.	Ponijeri	540,8	1,3	sedmično	1	4	20,8	166,4	727,17	8.726,02
12.	Mramor	234,0	0,56	u 15 dana	0,5	2	7,0	28,0	122,36	1.468,30
13.	Nažbilj	289,0	0,70	u 15 dana	0,5	2	21,0	84,0	367,08	4.405,00
14.	Poljani	111,0	0,26	u 15 dana	0,5	2	15,0	60,0	262,20	3.146,40
15.	Izletište Bočica	1 kontejner zapremine 5 m ³ – jednom mjesečno							353,63	4.243,56
Za tekuću 2021. godinu – SVE UKUPNO:									63.737,50	

Član 2.

Sredstva u iznosu do 63.737,50 KM su obezbijeđena u Programu utroška namjenskih sredstava za zaštitu okoline Općine Kakanj za 2021. godinu, Tabela broj 3. tačka broj 1. „Uspostava procesa integralnog upravljanja otpada na području Općine Kakanj kroz subvencioniranje troškova sakupljanja, transporta i odlaganja kućnog otpada iz udaljenih područja“.

² Udaljenosti putnih pravaca od centra grada do centara MZ (sela) su tačno određena preko Google Earth-a.

Član 3.

Za realizaciju ove Odluke zadužena je Služba za privredu, urbanizam i zaštitu okoline Općine Kakanj i JP "VODOKOM" d.o.o. Kakanj koje je obavezno da dostavlja, uz fakturu za pružene usluge odvoza komunalnog otpada, mjesečni izvještaj o predmetnoj aktivnosti, sa potvrdom predsjednika mjesnih zajednica o broju tura odvoza, odnosno, ovjerenim radnim nalogima za odvoz komunalnog otpada od strane ovlaštenih lica PD Bočica.

Član 4.

Praćenje realizacije subvencioniranja prikupljanja, odvoza i zbrinjavanja kućnog otpada, vršit će Odsjek za zaštitu okoline – Zeleni ured Općine Kakanj.

Član 5.

Ova Odluka stupa na snagu danom donošenja, a biti će objavljena u Službenim novinama Općine Kakanj.

**PREDSJEDAVALAČI
OPĆINSKOG VIJEĆA**
Slaven Katičić, sr.

66.
BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
Općinsko vijeće
Broj: 01/1-5-100/21
Kakanj, 31.03.2021. godine

Na osnovu člana 66. Zakona o građevinskom zemljištu („Službene novine Federacije BiH”, broj: 25/03 i 67/05), člana 24. Statuta Općine Kakanj („Službene novine Općine Kakanj”, broj: 4/08) i člana 94. Poslovnika o radu Općinskog vijeća („Službene novine Općine Kakanj”, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

O D L U K U

o visini prosječne konačne građevinske cijene iz prethodne godine po m² korisne stambene površine na području općine Kakanj

Član 1.

Ovom Odlukom određuje se visina prosječne konačne građevinske cijene iz prethodne godine (2020.godine) po 1m² korisne stambene površine na području općine Kakanj.

Član 2.

Utvrđuje se prosječna konačna građevinska cijena iz 2020. godine po 1m² korisne stambene površine u iznosu od 750,00 KM.

Prosječna konačna građevinska cijena iz prethodnog stava valorizuje se u toku godine svaka tri mjeseca na osnovu indeksa rasta cijena građevinskih radova u visokogradnji i niskogradnji

po sumarnoj metodologiji i podacima koje objavljuje Zavod za statistiku.

Član 3.

Cijena navedena u prethodnom članu služit će kao osnovica za izračunavanje visine rente (pogodnost) i naknade za uređenje gradskog građevinskog zemljišta i građevinskog zemljišta na području općine Kakanj.

Član 4.

Stupanjem na snagu ove Odluke prestaje da važi Odluka o visini prosječne konačne građevinske cijene 1m² korisne stambene površine broj: 01/1-42-202/20 od 28.07.2020. godine („Službene novine Općine Kakanj”, broj: 9/20).

Član 5.

Ova Odluka stupa na snagu danom donošenja, a bit će objavljena u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**
Slaven Katičić, sr.

67.
BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
Općinsko vijeće
Broj: 01/1-5-101/21
Kakanj, 31.03.2021. godine

Na osnovu člana 24. Statuta Općine Kakanj („Službene novine Općine Kakanj”, broj: 4/08) i člana 94. Poslovnika o radu Općinskog vijeća

(„Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

O D L U K U

o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj

Član 1.

U Odluci o utvrđivanju kriterija raspodjele sredstava za sport iz Budžeta Općine Kakanj („Službene novine Općine Kakanj“, broj: 1/17, 4/20 i 11/20), član 1. mijenja se i glasi:

1. Sredstva za redovna takmičenja sportskih klubova - 77,10 %
2. Sportska takmičenja osoba sa invaliditetom- 2,21 %
3. Aktivnosti Sportskog saveza općine - 2,88 %
4. Izrada Monografije FK „Rudar“ Kakanj - 5,31 %
5. Sredstva rezervi - 12,50 %

Utvrđeni procenat iz tačke 4. prethodnog stava vrijedi samo prilikom raspodjele sredstava u 2021. godini.

Član 2.

U ostalom dijelu Odluka o utvrđivanju kriterija raspodjele sredstava za sport iz Budžeta Općine Kakanj ostaje neizmjenjena.

Član 3.

Ova Odluka stupa na snagu danom donošenja, a bit će objavljene u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

68.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ**

Općinsko vijeće

Broj: 01/1-5-102/21

Kakanj, 31.03.2021. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), člana 48. Odluke o izvršavanju Budžeta Općine Kakanj za 2021. godinu („Službene novine Općine Kakanj“, broj: 3/21), te Odluke o utvrđivanju kriterija raspodjele sredstava za sport iz budžeta

Općine Kakanj („Službene novine Općine Kakanj“, broj: 1/17, 4/20, 11/20 i 5/21) i člana 92. i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

P R O G R A M

rasporeda sredstava za sport za 2021. godinu

I

Planirana sredstva Budžetom Općine Kakanj za 2021. godinu, ekonomski kod 614300 pozicija *Transfer za sport* u ukupnom iznosu od 640.000,00 KM raspoređena su na sljedeći način:

R/br	Transfer za sport	% sredstava	Iznos KM
------	-------------------	-------------	----------

1.	Sredstva za redovna takmičenja sportskih klubova	77,10	493.400,00
2.	Sportska takmičenja invalida	2,21	14.200,00
3.	Aktivnosti Sportskog saveza općine	2,88	18.400,00
4.	Izrada monografije FK Rudar	5,31	34.000,00
5.	Sredstva rezervi	12,50	80.000,00

Σ	Ukupno KM (1-5.):	100,00 %	640.000,00
---	--------------------------	-----------------	-------------------

II

Sredstva iz tačke I ovog Programa u iznosu od 640.000,00 KM raspoređena su:

R/br	Korisnik sredstava	Iznos KM
1.	Fudbalski klub "Rudar"	105.900,00
2.	Fudbalski klub "Mladost"	151.000,00
3.	Odbojkaški Klub „Kakanj 78“	61.000,00
4.	Rukometni klub "Kakanj"	31.000,00
5.	Košarkaški klub "Kakanj"	105.000,00
6.	Ženski odbojkaški klub "Kakanj"	15.000,00
7.	Kuglaški klub "Rudar"	15.000,00
8.	Karate klub "Sakib Bitić"	2.100,00
9.	Taekwondo klub "Nur"	2.100,00
10.	Judo klub "Kakanj"	1.800,00
11.	Šahovski klub MGM-FARM	500,00
12.	Teniski klub „TTT- game“ Kakanj	500,00

13.	Odbojkaški klub „Arabi“ Kakanj	500,00
14.	Streljački klub „Sretno“	1.000,00
15.	Stonoteniski klub „Kakanj“	500,00
16.	Teniski klub „Kameniti dvorac“	500,00
17.	Sportska takmičenja invalida	14.200,00
18.	Aktivnosti Sportskog saveza općine	18.400,00
19.	Izrada Monografije FK „Rudar“	34.000,00
20.	Sredstva rezervi	80.000,00
Σ	Ukupno KM:	640.000,00

III

Sredstva za redovna takmičenja sportskih klubova i sportska takmičenja invalida koristit će se za plaćanje režijskih troškova, zakupnine objekata za treninge i utakmice, nabavku opreme, učešće na sportskim takmičenjima, prijevoz, plaćanje službenih lica i za druge potrebe kluba.

IV

Sredstva za aktivnosti Sportskog saveza Općine Kakanj koristit će se u skladu sa članom 5. Kriterija, a sredstva rezervi koristit će se u skladu sa članom 6. Kriterija raspodjele sredstava za sport. Sredstva za izradu Monografije FK Rudar koristi će se za istraživački rad i štampanje Monografije.

V

Svi korisnici sredstava iz tačke II Programa obavezni su da Službi za društvene djelatnosti, boračka pitanja, raseljena lica, izbjeglice i povratnike dostave vjerodostojnu knjigovodstvenu dokumentaciju 30 dana nakon uplate istih.

VI

Ukoliko prihodi Budžeta Općine Kakanj u tekućoj budžetskoj godini ne budu na planiranom nivou realizacija Transfera za sport će biti umanjena za određeni procenat umanjenja ostvarenja prihoda.

VII

Sredstva će se uplaćivati na osnovu izvještaja o namjenskom utrošku javnih sredstava Budžeta iz 2021. godine podnesenih u propisanom roku.

VIII

Ovaj Program stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Slaven Katičić, sr.

69.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ**

Općinsko vijeće

Broj: 01/1-5-103/21

Kakanj, 31.03.2021. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), člana 50. Odluke o izvršavanju Budžeta Općine Kakanj za 2021. godinu („Službene novine Općine Kakanj“, broj: 3/21) i člana 92. i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

(I) PROGRAM

rasporeda sredstava boračkim udruženjima za rad

Član 1.

Planirana sredstva Budžetom Općine Kakanj za 2021. godinu u okviru pozicije ekonomski kod 614300, pozicija Tekući transferi - Transfer udruženjima boračkih populacija raspoređuje se kako slijedi:

Redni broj	Naziv udruženja	Raspoređena sredstava
1.	Savez udruženja boračkih organizacija općine Kakanj	40.000,00KM
2.	Organizacija porodica šehida i poginulih boraca Kakanj	19.000,00KM
3.	Organizacija RVI "Kakanj 92"	19.000,00KM
4.	UDNRP „Zlatni ljiljan“ i „ZPZ“	9.000,00KM
5.	Udruženje Hrvatskih vojnih invalida domovinskog rata Kakanj HVIDR-a	6.500,00KM
6.	Udruga obitelji poginulih i nestalih hrvatskih branitelja u Domovinskom ratu Kakanj	6.500,00KM
7.	UABNOR	4.500,00KM
8.	Neplanirani troškovi za rad udruženja	9.650,00KM
	SVEUKUPNO	114.150,00KM

Član 2.

Programom predviđena sredstva iz člana 1. koristit će se prvenstveno za plaćanje režijskih troškova, zakupnine kancelarija, nabavku kancelarijskog materijala, učešća u određenim manifestacijama i drugih obaveza u skladu sa odlukama organa upravljanja udruženja ili saveza za što su korisnici sredstava obavezni Službi za društvene djelatnosti, boračka pitanja, raseljena lica, izbjeglice i povratnike dostaviti vjerodostojnu knjigovodstvenu dokumentaciju i mjesečne, polugodišnje i godišnje finansijske izvještaje, odnosno izvještaje o namjenskom utrošku budžetskih sredstava na način i u rokovima kako naloži Služba za društvene djelatnosti, boračka pitanja, raseljena lica, izbjeglice i povratnike shodno članu 80. Odluke o izvršavanju Budžeta Općine za 2021. godinu („Službene novine Općine Kakanj“: broj: 3/21).

Član 3.

Ukoliko prihodi Budžeta Općine Kakanj u tekućoj budžetskoj godini ne budu na planiranom nivou, realizacija transfera udruženjima iz člana 1. ovog Programa će biti umanjena za određeni procenat umanjenja ostvarenja prihoda, a isti se isplaćuju mjesečno u skladu sa prilivom sredstava u Budžet.

Član 4.

Sredstva će se uplaćivati isključivo na osnovu urednih, zakonitih i blagovremeno podnesenih izvještaja nadležnoj Službi.

Budžetski korisnici koji ne podnesu blagovremeno izvještaj o utrošku sredstava ili pak podnesu izvještaj koji dijelom ili u cjelosti ne pruža dovoljan uvid u namjenski utrošak budžetskih sredstava nadležna služba je obavezna obustaviti daljnje isplate iz budžeta po svim osnovama shodno Odluci o izvršavanju Budžeta Općine za 2021. godinu („Službene novine Općine Kakanj“: broj: 3/21).

Član 5.

Ovaj Program stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**
Slaven Katičić, sr.

70.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ**

Općinsko vijeće

Broj: 01/1-5-104/21

Kakanj, 31.03.2021. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), člana 50. Odluke o izvršavanju Budžeta Općine Kakanj za 2021. godinu („Službene novine Općine Kakanj“, broj: 3/21) i člana 92. i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

(II) P R O G R A M**rasporeda sredstava boračkim udruženjima za pomoći****Član 1.**

Planirana sredstva Budžetom Općine Kakanj za 2021.godinu u okviru pozicije ekonomski kod 614300, pozicija Tekući transferi - Transfer udruženjima boračkih populacija se raspoređuje kako slijedi:

Redni broj	Naziv udruženja	Raspoređena sredstva
1.	Savez udruženja boračkih organizacija	28.560,00 KM
2.	Organizacija RVI „Kakanj 92“	10.800,00 KM
	SVEUKUPNO	39.360,00 KM

Član 2.

Programom predviđena sredstva iz člana 1. koristit će se prvenstveno za pomoći porodicama članova navedenih udruženja koji su zbog određenih okolnosti dovedeni u socijalno ugrožen status, za što su korisnici sredstava obavezni Službi za društvene djelatnosti, boračka pitanja, raseljena lica, izbjeglice i povratnike dostaviti vjerodostojnu knjigovodstvenu dokumentaciju i mjesečne, polugodišnje i godišnje finansijske izvještaje, odnosno izvještaje o namjenskom utrošku budžetskih sredstava na način i u rokovima kako naloži Služba za društvene djelatnosti, boračka pitanja, raseljena lica, izbjeglice i povratnike shodno članu 80. Odluke o izvršavanju Budžeta Općine za 2021. godinu („Službene novine Općine Kakanj“ broj: 3/21).

Član 3.

Ukoliko prihodi Budžeta Općine Kakanj u tekućoj budžetskoj godini ne budu na planiranom nivou, realizacija transfera udruženjima iz člana 1. ovog Programa će biti umanjena za određeni procenat umanjenja ostvarenja prihoda, a isti se isplaćuju mjesečno u skladu sa prilivom sredstava u Budžet.

Član 4.

Sredstva će se uplaćivati isključivo na osnovu urednih, zakonitih i blagovremeno podnesenih izvještaja nadležnoj Službi.

Budžetski korisnici koji ne podnesu blagovremeno izvještaj o utrošku sredstava ili pak podnesu izvještaj koji dijelom ili u cjelosti ne pruža dovoljan uvid u namjenski utrošak budžetskih sredstava nadležna služba je obavezna obustaviti daljnje isplate iz budžeta po svim osnovama shodno Odluci o izvršavanju Budžeta Općine za 2021. godinu („Službene novine Općine Kakanj“: broj: 3/21).

Član 5.

Ovaj Program stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

71.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ**

Općinsko vijeće

Broj: 01/1-5-105/21

Kakanj, 31.03.2021. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), člana 62. Odluke o izvršavanju Budžeta Općine Kakanj za 2021. godinu („Službene novine Općine Kakanj“, broj: 3/21) i člana 92. i 100. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 5. sjednici, održanoj dana 31.03.2021. godine, donijelo je

PROGRAM

**rasporeda sredstava za obilježavanje
značajnih datuma i manifestacija za 2021.
godinu**

Član 1.

Planirana sredstva Budžetom Općine Kakanj za 2021. godinu na poziciji Sredstva za

obilježavanje značajnih datuma i manifestacija, ekonomski kod 613-900, u iznosu od 18.000,00 KM, raspoređuju se za značajne datume i manifestacije kako slijedi:

R.B.	NAZIV MANIFESTACIJE	SREDSTVA ZA 2021. (KM)
1.	Obilježavanje 1.marta – „Dana nezavisnosti“BiH	2.260,00
2.	Obilježavanje „Dana općine“	5.000,00
3.	Obilježavanje „Dana državnosti BiH“	5.000,00
4.	Obilježavanje spomena „Kamenica -Popova Luka“	1.000,00
5.	Nabavka cvijetnih aranžmana	1.000,00
6.	Neplanirani troškovi za manifestacije	3.740,00
	UKUPNO	18.000,00

Član 2.

Planirana sredstva Budžetom Općine Kakanj za 2021. godinu na poziciji Transfer iz Programa za obilježavanje značajnih datuma i manifestacija, ekonomski kod 614-300, u iznosu od 20.000,00 KM, raspoređuju se za značajne datume i manifestacije kako slijedi:

R.B.	NAZIV MANIFESTACIJE	SREDSTVA ZA 2021. (KM)
1.	Obilježavanje „Dana Armije RBiH“	2.000,00
2.	Obilježavanje dana "Zlatnih ljiljana"	500,00
3.	Obilježavanje spomena „Kamenica -Popova Luka“	2.000,00
4.	Obilježavanje spomena „Misoča“	500,00
5.	Obilježavanje spomena „Semizovac“	1.000,00
6.	Obilježavanje dana „RVI“	500,00
7.	Obilježavanje dana poginulih civila Hrvata-Gрмаče 1993	500,00
8.	Obilježavanje dana poginulih civila Bošnjaka-Poljani 1993	500,00
9.	Obilježavanje 27. jula - Dana ustanka naroda i narodnosti BiH	500,00
10.	Participacija u troškovima organizacije turnira za Dan šehida i poginulih boraca	500,00

11.	Zajedničko obilježavanje dana Patriotske lige Kakanj, godišnjice OPŠO i 311. lahke brigade, godišnjice 309. brdske brigade, godišnjice 7. muslimanske brigade, te obilježavanje godišnjica ostalih brigada	4.000,00
12.	Organizovanje mevluda	1.000,00
13.	Organizovanje obilježavanja spomena Srebrenica	1.200,00
14.	Obilježavanje 1.marta –„Dana nezavisnosti“ BiH	1.467,90
15.	Neplanirani troškovi za manifestacije	3.832,10
	UKUPNO	20.000,00

Član 3.

Programom predviđena sredstva za obilježavanje značajnih datuma i manifestacija iz člana 1. i 2. ovog Programa će se realizovati za pokriće onih rashoda koji proističu iz aktivnosti Općine kao organizatora ili suorganizatora manifestacija.

Član 4.

Svi budžetski korisnici sredstava po ovom Programu dužni su Službi za društvene djelatnosti, boračka pitanja, raseljena lica, izbjeglice i povratnike podnijeti izvještaj o utrošenim sredstvima i ista pravdati vjerodostojnom knjigovodstvenom dokumentacijom.

Član 5.

Neurošena sredstva planirana Programom za realizaciju neke manifestacije mogu se preusmjeriti za realizaciju druge manifestacije.

Član 6.

Ovaj Program stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

S A D R Ž A J
„Službenih novina Općine Kakanj“ 5/21

61. Program utroška namjenskih sredstava za zaštitu okoline Općine Kakanj za 2021.godinu	1
62. Program utroška sredstava iz Budžeta Općine Kakanj za podsticaje u poljoprivredi za 2021. godinu	7
63. Zaključak u vezi izrade Programa utroška sredstava iz Budžeta Općine Kakanj za podsticaje u poljoprivredi za 2022. godinu	18
64. Program utroška sredstava iz Budžeta Općine Kakanj za podsticaj razvoja poduzetništva i obrta za 2021. godinu ,	18
65. Odluka o visini subvencioniranja troškova transporta komunalnog otpada iz udaljenih mjesnih zajednica.....	24
66. Odluka o visini prosječne konačne građevinske cijene iz prethodne godine po m ² korisne stambene površine na području općine Kakanj.....	26
67. Odluka o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj	26
68. Program rasporeda sredstava za sport za 2021.godinu	27
69. I Program rasporeda sredstava boračkim udruženjima za 2021.godinu	28
70. II Program rasporeda sredstava boračkim udruženima za 2021.godinu	29
71. Program rasporeda sredstava za obilježavanje značajnih datuma i manifestacija za 2021. godinu ...	30